





義烏縣志

十五之六



內閣文庫		
番號	漢	9089
冊數	10 (8)	
函號	292	78



義烏縣志卷之十五

人物志

實行

舊志有篤行有義行篤行仍古志義行因古志尚義而改之蓋篤行近於孝友孝友揭於前餘則類次於倫常之中若夫拯危當厄亦非細節舊志至次之列

女後綜錯不倫且他志孝義同條次於忠節則篤與義宜亦可合茲以實行標之猶舊志合古志忠義於氣節而今以志節目之也至舊志云烏土巖居谷處

淺草文庫

義烏縣志

卷之十五 實行

嚴家訓遵禮法謹然諾扶傾振乏或輸家助邊如卜式授產全信如張孝基陰脫季布之厄如朱家曲助知友之喪如原涉亦昔有之可以風矣

宋

喻師字夏卿先世籍蜀仙井散在江浙者義烏爲盛曾祖迂祖宗父登師孝友慈愛根于天性而言無枝葉行有準繩著見日用之間少年慮事出人意表至危疑之際爲人剖析無留難中年與其姪分田不過百三十畝卒幾至千畝友愛子姪不萌計較秋毫之心

慈惜里閭不行豪奪力取之事晚家事不如初而親戚故舊之急難族人子弟之美事愛莫之助每致其惓惓之意他事不以關心於園池間婆娑遊嬉無虛日未嘗問釋老之書遇太上皇后慶壽覃恩封迪功郎及高宗再上萬壽加封修職郎子義方修職郎大方天知方汝方今名民獻入太學爲諸生孫侃卽宏由太學再以姓名上禮部憲演舉於鄉湮淡克充寬競侃及三孫從陳亮學亮爲之誌

喻葆光娶黃氏睦盜起青溪婦翁以白金千五百兩屬

葆光窖藏之盜平翁死三子俱幼莫知金所在葆光舉而歸之三子請奉數百金為謝葆光力辭勿受黃氏買書教其五子良能良倚良顯良材良弼葆光以

良能貴封大中大夫黃氏令人

黃氏名淨德賦性溫淑涉獵書史葆光家

窘乏氏不以父母家饒裕自矜孝以事舅姑敬以相夫嚴以教子至鬻簪珥裱裳以助延師費一日師與客至值乏肴剪髮易魚為饌師聞之語葆光曰誓不與君教子成功不止也後五子良倚良能同登進士第皆以文名良顯以特奏仕至判院良材以恩科授迪功郎良弼以特科授新喻尉用子貴恩封令人壽九十七嘗自為詩云但教五子登雲去不管一家如雪寒人號為賢母諸孫與之等皆登仕版虞復贊曰千載之上孟母曰賢千載之下喻母繼焉丹桂五芳瓜瓞綿綿猗與盛哉以永其傳

喻京字伯大弟曰高字仲明其父夢炎與伯兄綱

皆偏孫宣

子極友愛皆習場屋業治周禮有雋聲夢炎先綱魁

江東當就試禮部輒托故不赴以埃閱再大比綱獲薦乃同赴禮部未至而道屬疾扶歸死綱遂絕意進取後用廕補官知西安縣京高事母石以孝聞石守節善持家政家素饒於貲遭國兵亂離石以白金千餘兩窖藏之久之京他適高不及告取而有之石意不懌京歸語其故京曰母所有將以遺吾兄弟也兄弟義同一體弟有即吾有爾母何嫌焉石重嘉歎即

義烏縣志 卷之十五 三
取他所窖白金二十錠以遺京京受其二餘復推以
與高其後石與京相繼歿並殯其堂會寧海寇起抄
掠剽縣家人咸逃匿山谷中高徬徨不能去號哭竟
日夜乃斂金帛寘兩柩間寇至奉以為質告之曰吾
所以不憊死而惜此者可以全死者耳情詞懇切寇
相顧駭愕弗為取且以善言慰撫之而去家人返怪
其人與柩皆無恙而金帛故在莫知何以致然也高
後以壽終人稱其長者云
見王忠文公
喻氏家傳
馮友仁居赤岸以明經教諭溧陽綰邑篆值宋危舉義

弗克焚印航海歸戒人毋改服毋官自此族無仕者
將九十年友仁雅善留夢炎夢炎相元薦友仁屢徵
以疾辭不赴遺命其子道傳曰不百年聖人出矣當
毀家以佐軍興明太祖下金華道傳輸餉以犒賜袍
服道傳居家孝友從許謙遊
歲凶作饘粥濟饑人仲子翊見文苑季天有
清修隱居不墜宗風萬曆二十年學使者陳大綬祠
友仁額曰忠靖邑令周士英以道傳原輔天有配焉
繼祀鄉賢

吳圭字彥成以貴雄里中好施予太學程生從故人貸

錢三十萬將以葬其親同舍給而取之使責償於其
兄兄弗與圭如其數代償之州檄縣急輸米數百斛
令方均賦於民家圭請代民悉輸之信宿米達州守
大驚喜以令爲材不知出於圭也宣和初圭以承信
郎待調京師有導之見中貴人者圭笑曰男兒通塞
有命何至折腰屈膝事中貴人乎會大盜起睦之清
溪急命舟而東梅尙書執禮謂當分兵絕他盜使不
得相因而起圭曰此圭所以歸也吾鄰邑東陽有中
屠大防者多謀工秬圭遇之有恩願爲圭死歸致此

人賊不足平矣比渡江聞杭州已陷乃轉由海歸距

家僅一舍竟死於盜

見龔永吉
所撰傳

王槐字植三文憲公柏從弟家蜀塘登紹興辛未進士
歷官大理卿兼翰林學士致仕歸里中山田苦旱捐
資募民開濬爲塘周三千六百步四山七十二澗水
會焉以下流難捍倚飛來山築隄七十餘丈東西鑿
石開斗門歲時蓄洩以竇田賴以饒慶元七月十有
五日卒里人祀之

王如建字汝立左丞相旦五世孫志懷宗社入元如建

曰丈夫有輕致身哉不應選父亡卜冢縣南之環溪
廬其側祀鄉賢

元

季舍孫字國用博洽善詩文父喪廬墓悲號不絕元興
絕志進取搆書舍與弟姪講學詠詩以自適設義塾
延師教鄉族子弟值歲歉發粟恤饑者人有不善委

曲開諭令其悔悟

舊本古志

劉大音字韶父父訓蚤世奉母李氏唯懼有咈其志弟
晉繼於別宗泉若布無少靳處囂以默才識夙絕人

多嗜腴田設功穽期必獲大音曾不舉目睨之曰吾
將利吾僦耳未幾多田夫苦賦斂繁荷械走冰雪中
曰劉君智人也歲稔盜夜入舍攫金去大音帥子姓
蹤跡於野見一家燈熠熠紅方轟飲味爽縛送於官
盜辭舌相戒止族人瀕死子方乳以業券泣授大音
曰非君仁厚不足以保此子藏券篋衍候其子長召
而觴之枚數以還其焚券周急拯難嫁媿不一而足
宋太史濂撰碣稱為古之吉士云子剛見文苑

本濂劉府

碣君

方天瑞字景雲家稠巖讀書窮旨趣父汝霖別買宅於
 三里外命天瑞居之天瑞昏定晨省大暑寒不廢與
 人交重然諾宗族內外姻有稱貸不能償實不問有
 詩集二卷宋濂子璡其壻也

本濂方府君墓誌銘

明

龔壽字叔寧泰弟幼孤性孝友與泰築室事母躬侍起
 居怡顏承志不少怠家政無巨細不以累泰以故泰
 得專志於學及泰死靖難家族懼禍不測星散遠避
 壽曰兄既死忠予安忍畏一死倉皇奔赴收尸歸時

姪永吉尚在懷抱撫之過於已子教之成立居鄉篤
 信義開義塾訓後學以實踐勉人抑華靡輕佻者學
 者稱為華川先生

黃驥字彥良寡言笑慎取予尤篤孝友與人交開心見
 誠以貢授揚州府學訓導主維揚文定二書院事作
 興鼓舞一時得人為盛委賑江都饑民公帑外捐俸
 作糜益之及查盤睢寧沐陽雖能吏無以過陞崇仁
 教諭三年士習大變致仕歸杜門課孫後皆成立子
 瑚見政事

吳畿字希彩家世饒甲於一郡輕財重義正統戊午歲
饑畿輸粟二千石以賑旌義民復其役歲己巳師平
處寇畿同弟希俊希厚捐貲犒師省民力復助金修
學協造府通濟橋弟希仁希玉輸粟賑荒歲掌區賦
代民先完民德之希仁子文勉敦厚好施屢出粟賑
饑代族人輸賦又捐貲建忠孝堂文星樓濬繡湖修
通濟橋成化間奉詔捐米二百石以蘇民困戶部給
尚義憑授九品散官

朱文完家永寧鄉餘慶塘素饒於財儼赴義樂施予
惠及鄉閭雖商旅往來困乏者莫不賑之正統間處
賊陶得二葉寧入等率衆數千流擾郡邑所過抄掠
無遺經其境男女已先期走避賊語其黨曰此長者
朱演三官之間相戒秋毫勿犯闔境賴焉其孫思濂
有祖風亦以雄傑著聲成化初有智者鄉下巖口丐
民倚其族類蕃衍聚衆千餘爲亂徧劫村落官兵不
敢捕金衢兵道某親臨本邑訪能擒賊者衆舉思濂
急召問計用兵幾何須某日舉事思濂請以單騎竟
往某未信親授之酒三觥目之上馬擇十餘人與之

俱未至四五里其脅從者共縛魁首二十人跪迎以俟思濂因其縛驅令行於馬前卽日報命某大喜磔賊於鼓樓之內通邑稱快授思濂冠帶散官給扁旌其門

胡宗鵬讓孫捐地數十畝爲義冢遇歲荒散穀施饑里有貧鬻妻者出金贖還

馮圻字叔京少爲庠生性至孝父病痰痿晝夜扶掖湯藥必親嘗及卒廬墓泣血骨立有芝產於墓側因名其山曰芝山母沒如其父學大夫萬某以孝行扁其

門晚年綜理祠事充拓祭田尤殫心力嚴家範子孫遵守禮法所著有芝山稟

張萬山居龍陂好學能詩文志行古道一日出見道旁橫尸令掩之因念曰是暴露者殆無主乎卽有主而無地欲葬得乎似此者必多吾茲捐九里谷山聽鄉人之貧者葬焉事聞郡邑優獎

本古志舊志從刪又古志萬山下接雲溪張志和捐張家山數頃餘今見營立志

虞紳字仲賢性醇厚好讀書與王汶友善居父母喪哀毀致疾遇忌辰竟日悲號事兄如父逾十年兄已效

義門鄭氏規同居五世人無間言居家專以正倫理
重祭祀訓子孫爲事屏去佛老淫屠弗尙晚年尤嗜
學手不釋卷發爲詩章多有關於世教平生積梳髮
二十餘劬遺命殉葬其敬慎類如此
黃文字載道庠生幼喪父稍長追喪如制養母侍湯藥
衣不解帶者三年性儉素訓子孫以詩禮立家規修
祖塋族雖蕃衍守其約束又好善力行至老彌篤巡
按御史周汝員行縣稱其齒德俱尊鄉邦推重旌爲
善民年九十七終

季琳字廷稱少爲學生洽聞尙行從王汝遊承事父母
雖空乏不少拂其志廩入與兄弟均年五十當貢因
親老懇乞歸養至久不衰
龔釗字叔遠性樸言行無僞尊尙小學書事二親出入
必告居喪蔬食三年與弟銓鏐銑鏞同心婚喪一遵
家禮建祠堂葺宗譜立書院著家規王公汝以老友
呼之扁其堂曰孝友郡二守嶺南黎暹稔知其賢白
郡侯以介席推禮焉

陳滋字德茂天資強記言動不妄尤篤於孝友居親之

喪執禮過謹幾成痺疾事繼母李極承順由太學久
當選人勸之行歎曰吾惟不忍遠親以至今日今吾
母老矣復何忍更離哉築小圃優游其中奉親之暇
日以孝弟訓其子孫縉紳稱為古君子
馮宗珽字惟端質敏好書勵行尚節奉二親極愛敬居
喪六年起居不逾一室外母李無依奉養終身所著
道軒小彙五卷子信儼皆敦義好禮孫鍼以樂善優
獎

劉文涓字希源幼失怙恃事繼母以孝聞蚤從王汶遊

以親故絕意仕進日以詩賦爲業綽有古人風度

虞鳳字文祥少遊庠侍父澹會試澹死京師負骸歸葬
如禮事母孝將應貢辭廩終養益勵志讀書督學吳
某勉令科舉至杭見榜諭搜檢有傷士氣求退晚年
援臥碑敷陳王道例欲上封事五條言甚切直有傷
權宦汪直舊友謝遷王汶止之所著有孔峰集若干
卷

陳昉字時望自幼穎異比長入庠博極羣書千言立就
與吳福王汶齊名同叔紹祖立祠置祭田行文公家

禮尤禁邪術其學以求放心為主因以敬名菴所著
有聞道集敬菴雜稿若干卷

以上九人並
舊本古志

朱鴻字時賓幼孤事母甚孝疾必躬侍湯藥終夜不解
帶者數月比卒哀毀踰嘗深以不知醫為恨遂篤志
岐黃以醫鳴歲大疫遍閩病者家市藥石以療之多
所全活不責其償兄麟病痢左右莫敢親鴻扶抱之
彌月不歸宿仇誣其弟國子生鯨鴻冒箠楚以身代
爭事卒白性樸茂寬厚好周急解為鄉里所推服
子湘登第諄諄誨以愛人為務湘後先歷任率以循

良著績本鴻教也嘗捐金倡新家廟緝族譜歲時朔
望率族屬祭薦一如文公家禮以子貴封文林郎都
察院都事加贈奉直大夫刑部廣西司員外郎祠鄉
賢

金守憲字子章兄弟同居不異財者五世少警悟父病
喘久不愈遂罷儒精醫及父亡持戶勤勤養益饒起
堂曰荆樹堂以內衣指桁粟指困無主名者遊京師
以醫名諸公間授太醫院吏目已厭勞歸隱子文亮
生世俊每授讀膝上崇禎中贈通議大夫大理寺卿

會稽陶望齡隱士金南湖墓誌銘 浙東南多舊姓
 義門其著於昔者會稽裘氏浦江鄭氏金氏家義烏
 繡湖濱有南湖隱士者諱守憲字子章以孝友聞兄
 弟同居不異財者亦五世矣隱士少警悟占對絕倫
 父病喘久不愈遂罷儒精醫及父亡持戶又以勤勤
 善樹藝為農圃師業益以饒弟喜馳獵好行賈隱士
 勿禁也俟其怠徐曰弟勞苦休矣起堂曰荆樹堂以
 內衣指桁粟指囷無主名者義烏令歲召富民為賦
 長隱士貴在名中乃避去遊京師以故所習隸太醫
 院授吏目燕中貴人爭迎致之隱士不勝疲困自笑
 曰人有言避濡得焦避役得徭醫之役人不亦甚乎
 遂謝而去然以通朝籍歸縣中不復名長賦矣性好
 遊涉負杖獨往終日無倦稠山中種竹遶舍日詠酌林
 處也去家里許隱士結屋山中種竹遶舍日詠酌林
 下燒筍食之名其居曰綠雪又製艇命曰天游嘗棹
 舟載酒避客於繡湖歌曰公放眼看青山任頭生白
 髮之句傲然自足雖郡縣以歲時延為賓介不屑赴
 也隱士有一子四孫長孫世俊幼敏隱士器之授讀

膝上夜誦深每出棗栗誘之曰以為若枚數數周而
 噉之萬曆丁未隱士八十有二矣是歲世俊舉進士
 其十月隱士病卒進士君嘗言少時為枚誦罷而不
 怠無念之不知涕之被頤也明年進士君以惡歸九
 月某日葬隱士於樓村祖塋之左方配方孺人從進
 士嘗執經從予走會稽屬以銘墓銘之曰 金家烏
 傷厥始為劉赤符東興皇孫迺侯罷侯而配南土是
 首去卯暨刀以避吳鏐系遠澤綿實多隆準仁山青
 村以儒以隱青村六傳迺及於滄滄後五葉同廬共
 振於維隱君滄公之子輟耒東臯懸壺市臨組靡
 繼投竿反初繡水稠山天遊雪居書忍齊張醉吟傲
 白郡國稱賓林園命逸服仁纍義長發於孫爰鏤貞
 珉以告 幽原

陳機樵弟好儒尚禮立義塾作義舟嘗拾遺金驗還之
 虞守魯字惟哲性孝友居父喪哀毀踰禮母何素嚴魯

委曲承順家雖貧必具甘旨兄守愚讀書遊宦三十
餘年守魯綜理家事不憚勞苦不蓄私財奉嫂撫姪
各得其宜俾無內顧子良懋府庠生勉學勵行不隕
家聲

龔象字希文幼通春秋與旨受徒傳經與弟驥以孝友
聞由貢授贛縣訓導虞公守愚方爲巡撫都御史有
監局首領以失軍器罹辟浼象爲解持百金以酬象
曰我家自忠愍以來世守清白何受若金污吾祖乎
揮之廉聲震於一郡已告老囊篋蕭然無以資衣食

處之泊如也足跡不入公門惟非罪罹法者間一白
其枉令素重象隨釋之亦不受謝象生平言行無僞
尤嚴於取與卽分毫不苟鄉人爭嚴重之

虞大亨字正之別號五巖少有聲庠序九試不第由貢
任長泰訓導陞汀州教諭素性友愛所得廩俸散與
諸弟無少恡後諸弟破其產則復與合居而弟復求
分產如是者三始終不厭處族屬藹然有恩意人多
歸附之休官十年日與友朋怡情山水口不談世俗

事年七十餘卒


以上三人並
舊本古志

新島縣志 卷之十五
虞鳴復字來卿性方正好施樂道人善設義社延名師
訓子孫俾族中貧者成就學焉孫國階字伯羽孝
友醇樸潛心理學舉天啓丁卯中式弟國隆字伯豐
受業國階力學砥行談當世務鑿鑿可見諸施行以
廩例入成均考授通判好施予鄉里有雀角者出學
詞立解之

丁文軒字世昂學生端重慎密氣度清雅博涉書史能
詩文攻醫以薦試禮部第一授太醫院官謝病歸居
家內行純白以敦睦信誼式其宗黨所與往還皆一

肯名輩篇章倡疇卒年八十七

金魁字儒先涓六世孫志趣高邁以貢授徐州判官蒞
任卽歸居鄉平釋紛爭周恤貧乏三值歲凶煮糜濟
饑學諭會漢喪無所斂厚賻之仍給其家人以歸又
助貲建儒學石砌湖堤凡千金仲子孔賢字希範性
愷悌好學由庠生以例授京吏目病歸因聚古今醫
書窮究玄旨尤精於鍼嘗從巡撫都御史王節齋嘉
興凌漢章講論療治有效求者如市不責報計施貧
者之藥給饑者之食三十餘年遠近感德孔賢子養



浩英特警敏補弟子員明易理尤精數學間嘗製方
灼艾以繼先志孔賢所著有丹山心術經絡發明
金李德義祖十歲失怙家貧耕鑿養母蔬茹衣被殫力
以奉身受饑寒怡然也母亡勺水不沾者三日幾殞
人以單丁宜爲嗣親計乃進湯水葬二親躬負土肩
血垂及踵衆哀之爭出力以助晚家頗贍歲癸亥境
苦旱分饘粥食餓者樂義喜施建縣堂署賓館皆有
輸碑中所載義民崇二百十卽李也

陳公昌爲人愿慤居縣之西門一夕自外歸於城門左
甃石拾囊金二百餘攜歸屬其妻曰此故人物謹藏
之明日至石邊俟之有涕泗倉皇至者詢之曰吾糧
長昨領解夏稅往府偶醉臥此寤驚公文在家急走
歸因遺金不收吾自量無活理矣公昌驗實還之封
識如舊其人願分金以謝不受人高其誼六世孫
德教字憲成號襟海治春秋補諸生爲倪葵明先生
及門孝友慈愛重氣誼喜施予平居無疾言遠色雖
鄰里童稚無不樂親嘗於神廟中拾遺金百兩有奇
還其人夜夢廟中神語之曰若數中壽今加爾一等

學使者蘇公濬旌其門曰還金世德 子吾學事德
教竭財盡歡兄蚤逝撫姪如子德教卒獨營葬事所
著有墨莊集鄰野樓草

陳文言西門人仁曾孫父遭變願以身代及卒廬墓三
年母喪哀毀骨立縣遞詳達御史李某上其事同王
如心賜旌祀鄉賢

陳世恭十都人立心端謹舉止安詳敦倫化族尚義好
施生成化九年八月至萬曆六年一百六歲先是本
府黃承詔賜以絹帛肉米冠帶給帖後御史蕭某以

其年踰百歲德誼可嘉賜扁上壽善士郡守王某亦
以祺壽禮之時有贈以門帖者云壽域天開眼見六
朝盛事老人星現躬逢百歲中秋子迪亦年九十八
歲

駱朝陽九都人稟性淳良禔躬樸茂甘恬靜屢却賓飲
訓子游膠序萬曆二十三年屆百歲里人上其名謂
自生年迄今歲逾甲子蓋六百逢聖治殆五朝童膚
華髮豈曰龍鍾舞蹈步趨猶稱矍鑠邑侯周士英扁
其門曰五朝人瑞

樓楷字克端天性至孝父仕海歿廬墓母韓氏殞復廬三年有司申請旌表建坊其里

陳文杲字從初萬曆戊子歲大禋出穀以賑全活甚眾

邑侯豐城熊公嘉之謂其子侯周曰吾聞仁者其後

必昌今孝廉聖圻其孫也

楊一洪焯裔好善樂施歲禋廢箸以賑饑

虞應垣字汝薇太學生德燧叔子鄧文絜以讚於南雍

試卷中識之有節師日訓錄又從李見羅材遊邑宰

張維樞延之講學

楊一泓事父孝母病癰危甚吮膿而愈迨卒廬墓三年

撫幼弟友愛萬曆四十五年知縣吳尙默詳巡撫都

御史劉公一焜旌其門

樓岑父病躬親湯藥不解衣數月夜靜焚香叩天願以

身代割股以進遂瘳邑侯周某遞申達院旌門

樓至光髻年割股療親

駱文相字子燮師事周海門汝登事親盡禮侍湯藥廬

墓宗族稱之

駱元善字仁吾萬曆辛卯時為太學生協鐫臨海集見

序中已仕溧陽丞兩署邑篆辨冤獄恤窮黎惠愛在
民有子九人長宗璉字華卿餼於庠從元善之官歸
于句容道上拾遺金可百許守之竟夕失金者踉蹌
至泣不止詢其由以逋糧破產藉以償卽還之其人
願分金宗璉不受去後連舉萬曆乙卯天啓辛酉副
榜終貢選子宁楨見儒林

金漢芳字公若世俊仲子由廩例入太學授上林苑監
丞尋以終養告歸歲饑捐賑多所全活萑苻竊發當
事意主殄滅力解之孫永焜登癸卯賢書弟漢藜

字公然由例貢主上元簿歷遷戶部郎秋滿因父春
秋高告歸年六十不啻孺慕屢舉鄉賓

方守上號稠巖秉性端方色笑未嘗苟年十九喪妻宗
氏生子世明甫及週守義子處終身不畜媵婢後世
明成立事守上孝養備至刻宗氏遺像晨昏進膳如
生人謂其一家孝義云

國朝

童應聰字珍之與人無欺而品行剛方雖貧不少挫與
磐石丁同坤一肯有二長者之稱里中有公事取平

焉居家友愛訓子弟以詩禮程課甚嚴尤好尊師竭力供脩膳雖家食不給弗計也子楷見文苑

王一源字進卿號澄川邁十三世孫性

好嘗見獵人獲

獸買放之天啓辛酉仕韶州登仕郎韶多盜率胥役訪治之境內帖然三瀧水馭行者多溺置船以救所

活甚衆陞迪功郎舉鄉賓

子之綬國子生之紳士所孫明聰明道明冕曾孫景德吳庠生

朱贄原名昌祚字胥盛別號函白弱冠補諸生爲文不襲章句炎炎數千言立就督學使者黎元寬賞其文贄益自攻苦炙其誨者多登名淡墨或私淑其徒後

領歲薦考授訓導歸闈墅娛母色養備至如孺子慕兄蚤世以長子承祧季弟析箸取田廬器服之瘠敝者有薛包風治喪卜葬悉由獨仔鄉鄰有誚搆難平者一言而解晚益好學陳書數架手不釋卷間怡情於詩酒勝友至漉巾酒啖菜根以爲樂姪廷銓爲之傳

龔起翬字謙牧父亡偕妻朱事祖母及母以色養褻衣溺器浣滌必親如是十餘載二母邁疾朱顛天請以身代已而相繼逝朱亦旋卒終喪起翬年三十戚屬

勸再娶起顰曰室人能事兩母曾歿後而忘之順治
辛卯登賢書於康熙辛亥出宰虹縣蝗入治焚香告
天卽出境虹久不第卜地遷學建書院集諸生肄業
其中卽舉數人丙辰邑人請以義夫報會他縣無同
之者第旌以額在虹六載歸築舍二人墓前居之

黃世搏字鵬九事父纖微必謹遇病湯藥必嘗以進夜
則衣而俟待痊乃解居喪哀至於毀性坦奪笑言有
真趣交遊必慎人有過不輕信有善亦不輕許博覽
工文尙論古人剖決天下事理無假借爲諸生以高

等食餼才入棘闈康熙乙丑歲薦屆期而卒

方燦字爾元庠生性儉朴取予不苟一日至香山嶺拾
有遺金坐古廟中日晡失金者至奔走號跳寔還
金之失金人願以半謝曰我若利財不俟君矣力辭不

受

金漢藻字公引學生家貧并日一炊欣欣無愠色臨財
不苟取所見一定屹如丘山儻涉非義昇金遺之不
遷也母病衣不解帶者數月讀書夜分不寐幼學於
陳聖圭爲文簡古峭奧慕劉山南先生應龜之爲人

過山南故里竟月不返里人敬之一日縣長集學中諸生問邑中孰爲惡人諸生曰惡人不之知惟有一好人爲金某

粥活人每以龐訓遺子孫宛有太丘之風

季振宗字慧卿號行素舍孫會孫年二十三失怙事母以孝聞萬曆丁巳就恩例充貢援京秩崇禎庚午授南虎賁左衛經歷在任三載歷署六衛篆會有奸民訟衛役於巡城御史下上元令與振宗會鞠令左奸

民振宗奮然爭之已令以計典去官不踰年直指某令媼姪也毛疵振宗左遷縣貳振宗不赴補築室白下橋東居焉踰二十餘年旋里棲遲嘯詠師柳下之和

駱日盛字茂軒仕兵部會同館大使康熙癸丑

單恩勅授登仕郎移贈父應燧兄偶恚倩解以釋遇兄子授以田助其婚給以治生資宗姻匱乏者周之不能殮者棺之子振基考授縣丞弘基太學生

樓之鼎字爾鉉家城東少孝友恬靜寡欲慎語言明取

與學以躬行爲先邑中弟子資講授者甚衆屢入闈
不遇晚以歲貢應廷試授教職仍閉戶讀古人書無
所干請邑侯王廷曾重其爲人於其卒備禮躬祭痛
悼久之友人黃姓題其像云體清而癯貌溫而嚴衣
履質而不鮮此則繪者可得而傳至其天性孝友學
問沈潛其進德老而益堅則非繪者所得而傳而予
乃得其全也彼夫同流合污囂囂奔競之士固無與
焉卽揣摩肯好擅場舉業者亦豈能匹其賢乎我幾
爲思之惟古人爲然

朱廷冕字煥元家泮塘幼習舉子業順治己丑從軍粵
西以軍功署懷遠縣事歸隱上巖之長岡性孝友父
病禱以身代疾革毀正室營基址爲二親冢居墓側
三年撫季叔之孤孫甫七歲撫仲叔之孤孫甫四歲
率皆成立幼叔病歿雲間鬻產扶觀而歸幼叔母老
而無嗣以次男繼之使九旬寡鵠不憂無後爲人和
樂恬淡課子耕讀號寧鄉老人年九十二猶工書畫
拜受

本朝絹綿之賜子大章有聲賢序

黃尚楹字仲覺號國柱天資穎悟垂髫善屬文初應童子試受知於如臯許若魯先生以大器期之弱冠補邑諸生屢試高等博通經史百家千言立就為士林鳴鳳七入棘闈不遇士論惜之以義命自安功名之念澹如也事親從兄數十年如一日重然諾敦友誼交道賴以振焉卜居城南隅曰喜此傍山林雖城中自無囂塵固不溷我潛脩絃誦耳延師課子無間晨夕

隱逸

理學自顏閔後康節九峯餘干皆肥遯何王金許亦不出邑之通齋彥修青村亦高蹈而不樂仕進者不必皆理學也亦未嘗或遜理學孔子曰無可無不可矣然不嘗曰餓於首陽之下民到於今稱之乎孟子曰姑舍是矣然不嘗曰頑夫廉懦夫有立志乎古志宋榮而下至沈賓國舊志改龔壽於篤行增入丁存陳樵而月泉諸子俱闕茲從吳集賢直方及子萊宋濂所刻詩人補收之後有慨慕吟社者亦續採焉

五代周

宋榮字體仁廣順中自吳興遷縣西覆金山下通尚書
春秋有經濟才累徵不就學者私謚文通先生生甫
宋雍熙末又遷智者鄉之根谿口是爲宋村甫生訓
訓生帳帳生祥無子以弟海子阜爲後阜生俚俚生
柏嘉定初遷金華潛溪柏無子以兄末敷子溥德嗣
溥德生德政德政生文昭文昭生濂濂又遷浦江青
蘿山洪武十年以翰林學士承旨歸嘗於巖下建書
院誨宗族扁曰釜山書院

宋

朱元翰爲人卓犖不羈博通經史著文章必本於理紹
興中嘗獻賦行在言切世政不用隱遁終身號四明
居士胡仲子翰誦其遺文深加慨嘆

樓斗南字文舉圖南弟天資渾厚制事有繩墨人有爲
不善者惟恐其知之少遊太學晚以特科補官非其
志也再調台州司理辭不赴取白樂天詩語扁所居
曰中隱以歸老焉事母盡孝治家圖奉母嬉娛母沒
築堂縣東門號望雲旦夕瞻慕終身不衰裔孫廷貴

為建孝行坊

陳鼎字孟

一作伯

容自號靜翁錫子志趣高邁不喜自衒

靖康初遊太學京城陷束書東歸結茅雞鳴山之陽
未蔬採薪以奉其母而母亦歡然忘其憂有詩稿五

卷

黃璣字敦政少剛直負高世志與弟中輔齊名以早失

怙絕意仕進建炎初從舅氏宗澤至汴京將授以官

謝曰璣之來豈為是耶即辭去澤追贈白金數十兩

計所用取之返其餘後澤必欲官之奏補迪功郎卒

不受老于家號葆真子有類稿三卷曾孫應稭有文

行嘗聘作續縣志

姚獻可字君僉隱居郭西門葉尚書適布衣嘗訪之

獻可曳破履出迎如舊識家貧歲饑蒸菘茹以啖無

醢鹽臨沒戒其弟棺前用布幃一幅置瓦鑪于案知

我者當自來哭不知者雖哭吾不對也預以書告適

曰我能守義不屈子幸為我銘及卒適銘稱其孤騫

自潔至老益加有西園雜稿

西園後為陳思任所居

楊宗海字伯融後唐回圖使虎後宋崇寧進士智及

古志

作與及九世孫性質淳厚研究經史善為詩辭凡宗黨

子弟皆勉之以學由是里俗日變鄉鄰有構怨者得

其折衷無不歡解縣大夫知其賢以賓禮敬焉晚號

橘軒有橘軒集三卷里人朱世濂為之序取弟子文

愿以嗣其家業勉遵禮教籍紳咸器重之六人並舊本古志

周大亨字彥禮言貌古樸以純雅端慤聞用特科授醴

陵簿退食即掩關讀書郡守嘉其廉靜俾攝鄰縣非

所樂也調江山丞益不樂乞嶽祠歸與諸老日以觴

詠自適鄉人慕之繪圖以傳

元

馮澄以幽潛應月泉吟社之徵賦春日田園雜興詩謝

翺方鳳吳思齊歎為妙絕昔人位羅福之次

莫瑀字桂叔號天目山人賦春日田園雜興詩曰野水

渾邊看乳鵝疎籬缺處曬耕蓑草青隨意牛羊臥門

靜無人燕雀多夫倦倚犁需婦饁翁歡擊壤和孫歌

新來別有營生計又喜巡檐住密窠王禕嘗美其家

世贈以文

胡甫字景山號安定書隱詩曰世數有遷革田園無古

今鳥喧爭樹暖牛倦憩牆陰水活土膏動風微花氣
深淵明千載士佇立此肯心

陳舜道詩曰春來非是愛吟詩詩是田園樂興肯清入
吟懷花月照紅生笑臉柳風吹村聲盪耳鳥鹽角社
酒柔情玉練槌閒悶愁儂不省春來非是愛吟詩

或疑卽堯道

許元發號雲東老吟詩曰片雲剛是出山肯曾被東風
誤一吹歸意不煩啼鳩勸閒情只許落花知桑麻窮
巷扉長掩烟火空林黍自炊栗里輞川非謬計晴牕

子細詠渠詩

陳希聲詩曰田園興在晚春頭且說田蠶雨事休榆莢
雨酣新水滑棟花風軟薄寒收青楓蛾子催桑月綠
樹鷓鴣報麥秋但願花村無犬吠肯呼薄酒背黃牛
方長卿詩曰犁鋤徧野沸耕農血吐鵲聲一樹紅畦
秧鐵青剡剡隴翻麥浪翠芄芄雞鳴晝寂花村雨犬
吠朝空草岸風溪外雲過橫笛亂微烟野色樹龍蔥
按至元丙戌十月之望烏邑舊令吳渭退居浦江之
吳溪開月泉吟社以春日田園雜興為題移檄遠近
期明年上巳徵收得二千七百三十五卷請謝翱方
鳳吳思齊定之選二百八十首渭從子直方與直方

子萊及萊門人宋濂刻六十人冠以羅福澄居第二
瑪二十三甫二十四元發三十四希聲五十長卿五
十一舜道名失次外尚有未詳者昔劉應龜名在第五
詩曰獨犬膠膠晝掩門此間也自有桃源梅藏竹
掩無多路鳥語龍聲又一村屋角枯藤粘樹活田頭
野水入溪渾我來拾得春風句分付沙鷗莫浪言渭
致割日月泉里社夙邀繡水之齊盟春日田園誰繼
石湖之雜興新篇吟就舊夢喚醒執事嘉遜山南大
觀物表追前哲而尚友不肖同今雨之交呼市人如
使兒可但集春風之句能多益善實罕其儔昔應龜
正隱石門山也 陳希聲一作聞人伯仲又仇在近
句野老但知分社酒地官無復進農書

俞金字作器其先杭人吳越錢氏昔仕爲戶部尚書董
管田使者曰公帛道義烏愛其地遂遷邑之鳳林鄉
戶部生德詮德詮生諱又徙金華之孝順鎮諱生海

海生善轉善智有子四人善智子昌言宋大觀五年
上舍釋褐進士知永豐蕭山二縣而善轉子奉復家
溪南之琴山奉生上虞主簿允允生性性生壽壽生
義義金父也少好學善白程督鉤發水涵木滋月長
歲化壯而有名一試不合有司卽退修于家於經史
尤潛心搜討較辨疑昧多所益附受業者繼于門年
愈加志愈篤爲學晚而彌成人望其致用而宋亡昔
士好短衣語言容飾狃狎成風金率其家以禮深衣
危冠坐談古道客造門前威儀俯首拱而趨以迓至

門左右立三揖至階揖如初乃升及位又揖者三每
三揖皆有辭相稱慰慶贊周旋俯仰辭氣甚恭間發
之文章以自見久亦散軼不傳生五子祿緝椿著某
而卒本方孝孺墓表

虞如墳字伯和世業儒師事王炎澤恬靜自守不以利
祿為意薦授永嘉教諭不赴有司勉令應貢亦以親
老歸名聞集賢院畀以清節處士之號尚義好施游
心經史終老不倦

舊本古志

丁存字性初性質朴不外撓博洽羣書善屬文尤長於
詩賦屢徵明經不就嘗遊宗文何先生門相與闡明
理學以邈金許之傳晚年優游盤谷四方學者羣趨
之所著有雲崖雜稿若干卷

古志載文學

胡守正字志貞號巨川性恬靜不嗜仕家酥溪作園趣
軒明洪武甲寅劉剛為之銘曰烏傷之區龍祈之鄉
胡氏世居樹德則臧是園謂何惟日爾涉涉之伊何
我趣我悅晉有處士亦園是娛高風千載爾則同符

明

沈賓國字用之資性英特博閱經史年十四師姚江鄒

公選明性理之學攻古詩文遊越見知於謝文正公
 遷詠雛鳥圖以贈延與子丕同學十七棄舉子業居
 雙溪之上扁曰誠自此潛心考道隱覆釜山以終詩
 冲淡和平間發奇思所著五經註疏太極圖衍皇極
 經世書疏若干卷

陳洄少喜功名忽棄去謂其友曰吾於世味孤矣將漁
 於山樵於水其友未達洄曰樵於水意不在薪漁於
 山意不在魚是無所利也無所利則樂矣

劉德字彥修號山南後人郡學生題五松軒詩有曰一
 枕風聲龍嘯起半牕月影鶴飛還主人怕有明堂詔
 兩扇柴門鎮日關

陳樵與元東陽人同名字岿彩號勿菴隱居霧溪天性孝友少

失恃言輒悲泣好施予尤厚於族黨里中健兒有食
 其地二十年者不問婚葬必據古禮取文公四禮附
 著為家儀又定家規數條率宗人行之足跡未嘗至
 城邑守正嫉邪人以比之王烈知縣吳仲珠知其賢
 嘗式其廬弘治初王汝將疏其行以風厲一方樵力
 止之所著有羣醫纂集藏於家

舊本古志及孝宗實錄

國朝

劉元震字聲之號恐菴少負氣睥睨一切已從長者遊
一言一動不敢肆試入郡庠思博一第答君親亡何
棄去居郭外五里青巖山之石門屬先世山南應龜
棲遁處署曰環山草堂有記蓋山南去元震昔幾四
百禩山南故以黃文獻弟浩爲後緒尚衍元震其世
裔欲追而跋之而石門多樵人元震與爲伍號壁山
樵子昔出耕已教其族泊生徒嘗杜門闐寂口誦手
披遇當意留連作數日思於忠孝大節有味乎言之

一二素心至與登山臨水賦詩談道去如故屏跡城
市二十年博綜羣籍歸源於六經晚究聖言之旨頗
有得其頌王忠文公禕有云較子卿之勁節而多一
死擬魯公之罵賊不折一兵節視學而無愧才藉行
以彌昭謁公頽像於圮祠中云庭圯荒涼千樹綠爐
煙斷滅瓣香疎又賦公圮祠云雲鋪滿地之影月透
中天之光颺任嗥而多穴燕欲語而無梁溪藤高抱
其柱園筍暗抽其廊鬚着墮落兮徒正笏而垂裳木
主顛倒兮誰補櫝而陳漿念先世若武節山南青村

及有風槩者行事篇章若存若亡述而志之復加蒐
 討彙為一編曰繩武集所作詩文曰環山堂稿類多
 意勝於辭中含淡惋無聊之意而集首不書姓名不
 欲人之知之其友龔宗鑑謂白沙有言須是大哭一
 番方樂又曰聲之雖一昔名不甚顯他年必有慕其
 人稱道弗絕者其稿無減聽雨夢癡也金司空世俊
 曰宗姪聲之躬耕砥節品韻殊高詩卷興致清遠洵
 與族祖山南先生踵芳濟美矣又與宗鑑牘云見元
 明所作聲之序心喜其志節清卓欣宗昉之有人為
 老拙作歲寒同志也元震無子自卜藏所於繡湖西
 原卒後同學及門葬之立之碑私諡安節稿外有金

華文選地理書評陶詩諸種

環山堂記 劉子所居前對數峯後臨一澗外有小
 山如帶環匝於側歲癸卯擇地之偏成室數楹中搆
 一堂聚族之兄弟子姪講學論文於其間弟子曰古
 人結廬咸有以名之先生將奚以名此堂邪余曰是
 堂也案積圖書園充果卉茂林修竹叢列堦前翠栢
 喬松隱映簷際皆有可名而出門一望四顧皆山則
 當舉其大者而名之以環山可乎弟子曰亦有以推
 廣其義否曰有山之峙也屹然不動可以觀守君子
 當忠孝節義之界有利害莫動而百折不撼者當如
 是也寂而無譁者山之靜也可以觀性君子于道德
 淵微之旨有藏無朕蓄無際穆乎不測者當如是也
 山以忘機任物者示人以廉是以苟非吾有則勵一

介不取之操者當似之焉山之艮止無競者示人以讓是以義當辭遜則屣萬乘如脫者曷難似之山有不擇土壤之益以成其高人之積學廣問而小善不遺者不當若是邪山惟藪澤納污故成其大人于用所不足而含垢忍晦奮發有爲者不當若是邪而且蕃材木孳禽獸以利民用山之施溥而濟博矣人之得皆而駕其洪恩渥澤周被四暨者不當若是邪抑山與天相望而不相親在易以爲有遜之義焉人不幸身丁否塞則知雄守雌樂天知命化伎求而不用秉道義以自臧絕人世之畔援寶吾美之無疆則亦惟山之德之是似也今日者余取以名堂亦冀與二三子顧名思義有以效法砥礪于無窮若徒曰青碧橫黛嵐烟抹翠宅心于玩景怡情而已則窺吾戶者山也排吾闥者山也山自環吾堂耳于我何有哉二三子其勉旃弟子

唯唯曰敬奉教

虞奕芝字谷生號退菴一號茹潛華溪里人爲文援筆

立就弱冠遊郡庠甲戌年二十三學使者黎元寬拔置第一劉鱗長繼之亦第一三十二擢明經已隱居武巖課其子受生徒一肯學者宗之居內外艱慟不輟家屢空不以介意有二弟衣食之姊嬪於朱朱北上不返并甥女迎以歸長擇對嫁之其姑老亦迎以就養初張司馬將殉也先一夕勸之引決司馬曰愛我哉君也朱乘六帥東甌姊叔也延至幕勸以約束兵伍善遇士類朱如其言甌人歌思之族人有罪至辟者力解得釋賚數十金券以謝立焚之襟期沖淡

與人交油油然無城府然有不善輒義形於色雖彊
禦弗顧少好讀古文得其神趣爲文超逸多風有所
觸發於吟咏不入城市數十年所著詩歌古文辭草
就輒棄或爲人持去逾嘗問之曰某未嘗作也其子
愷從兵燹餘購存十之一年七十四卒

寄前學使者黎諱元寬書 甲戌蒙恩擢冠發士迄
今二十年聞問未嘗一達左右然慙懷每念不忘懼
卽匪彝以隕越師教惟夫子提衡兩浙所沾濡者以
植以榮迄有成就而奕芝獨十年困頓僅與遴選已
成往事人不過數十寒暑趙孟之貴後世亦不能指
數其能留人千萬世哉陸沈之後兼踵事變遇貴鄉
使者一詢起居崎嶇患苦之狀畧聞焉然益聞益喜
魯仲連布衣梅福下吏其風致何如乎夫弔者在門

則賀者在閭若賀者在門則弔者又將在閭形之賀
孰若心之弔也伏祈夫子調攝保愛俾後世知覩吳
廣宋猶有遺賢幸甚奕芝蓬蒿賤士學畔其素如虧
節毀素則長棄於大賢之門若其見短察翁索途冥
行冀進而教之
寄前邑侯熊諱人霖書 十載違顏吳門東海卽仰
昔賢之遺踪殊可太息惟師宿攷偉識疾風之餘何
能吹勁乃聞一二宦業悉付塵颺此何足深怪陸沈
禾黍一身亦是餘物耳顏氏在五代不廢書種而織
之不僅逐貧亂離中有天地有性命非此不廣奕芝
三十二歲與明經次春方擬至金陵一候起居而倉
卒回舟此後聞問爲艱自擬荷鋤素卒世人世旦暮
耳真性長存得與大君子之門期無負釣冶爲幸
復友書 瀚海茫茫而不隨火熱水濡者獨有一寸
耳若介鱗飛走種種隨化毛骨間寧復有鬚翁耶弟
誓農夫沒世但手足勞瘁憊於貧困陶情遂性不能
盡然安敢戚戚也少艾不能自持金夫移躬往往
有之若數年不字已成老婦欲復施脂粉俛首從人

波文醜態益甚少肯弟之不肖敢云爾耶處田間不可無古人近來伴侶何人作長嘯侶幸以相示

吳偉玠字公桓自號完璞家城南隅少自負爲進士業嗜奇卽先輩法有所不屑善飲座中有辭去者輒止之曰勿敗人意醉中嘗自詡曰霍嫵姚吾所慕也遊庠未幾食餼已棄去別妻子爲頭陀敕斷家事勿相關入深山誅茅爲屋罕所通接拾薪以炊往往至絕粒肯取春秋四傳并綱目等書討論之文成數萬繼去處州台山寺爲僧寺繼流甚敬之然晨昏事課誦斷酒偉玠苦之謝而去經武義山菴菴無主留數月

無可語者去之金華山寺留數年亦去之未幾妻歿二子爲農同邑朱司馬別業在龍門山有菴請居之然岡嶺崇峻人跡罕到不能肯肯致酒居二年亦去之乃往來邑諸刹及二三朋舊家朋舊見其來浮以大白便欣然醉醉而別別久復來如是數年卒所著有石門山記劉山南先生辨月泉詩人志謁王忠文公祠記表山南隱德辨疑同劉聲之重遊石門讀山南遺詩諸詩環山草堂歌其論王蠋曰自蠋名聞於齊千載下草莽之臣不容以無職委匹夫不可奪志

信烈丈夫也論諸葛瞻父子曰諸葛君品望為漢家
第一流人物固不待後人而顯然有子有孫若瞻與
尚益徵世德作求之美猶之漢昭烈雄才甚為後主
減價得北地諶王數言庶足輝映烈祖人以爲名言
龔宗鑑字元明白號心水松門里人父陽夏字長卿號
南華官都指揮與叔士驤陳達德吳之器兄弟林間
倡和以詩名於肯宗鑑神明軒朗不喜性理書不喜
禪善諧弱冠遊庠試必高等年四十棄制舉博覽善
記為劉元震作字說類古姓名字同元震者成之記

石門類石門說通稱亦然其詩文多俊思逸句開涉
騷謔有令人破顏絕倒者手錄古書幾萬葉名其樓
為萬葉樓家無斗儲嘗晏如昔往來于二三朋舊家
信宿輒去去數日復來生平見人輒嬉笑善愁者遇
之亦忘其愁里中有惡少年訐縣宰事覺引宗鑑繫
之獄仍吟詠上之監司臨讞以獄中所誅詩呈監司
閱而笑曰好詩遂釋之無子生二女不能自存與其
妻往依壻妻亡二壻亦亡返依姪姪貧依雙林寺僧
居雙林仍肯肯就嘉好衣履穿決嬉笑自如踰年以

病卒于家所著有濟美錄自娛集偶談集六十卷古詩唐詩集句若干卷

虞奕芝濟美錄序 戊亥之交元明曾語余曰余家詩文濟美數世矣今撮其畧彙為錄曷敘諸余唯唯謝不敢繼語余曰劉子聲之序之矣嗣之何如余唯唯謝不敢歲丙午假息四適齋與元明居趾數武而近攜彙錄以示元明自言唐世詩人繼作嗣美不及三世漢魏晉宋唯班曹謝蘇諸家父子稱盛餘或僅焉劉子述其前世諸賢著名漢宋暨有明而後者繼其武余惟侍御日池先生所為文其微者明道德其顯者經國家由體以達之用可謂卓然自樹立者其發為聲歌雖極敦琢而勁氣自見深水令麟侯先生諸賦博綜淹貫俱極體要較諸前人豈獨賈誼升堂相如入室哉諸律詩句敲字憂穩適勻秀斐然作者之致也都閩南華先生諸詩觸境風生標格秀出荷擎紅而拂水柳含綠以嬌春翩翩焉戲鐵馬於柔鄉

列宮娥於錦隊矣然而諸先生所以蘊於中而期自見者豈獨以文哉後之人追其緒而竟其施固不在區區文字聲律間也元明年雖暮種學織文行事猶似少壯慎無使濟美者勿全其美乎又自娛集敘 往十餘年余見元明於郡邸意氣軒軒少許可有霜臙之志又數年復遇之因頓如故為元明悲又復自悲丈夫處此宜其戚戚哉戊子冬持文見示曰余薄舉子業而為古文詞蓋有得者其為之裁余惟元明之文豈獨余知之邑之縉紳先生及士子有見有聞皆知之若試諸清廟什之雅頌當不獨一邑之見聞知之而元明今日之號則及是日余自娛而已余因是而益喟然也古之人有言之者矣密爾自娛於斯文則孟堅之志也清淨貞正以自娛則顏觸之志也喜讀書著文章以自娛則淵明之志也夫富貴而忘其身終日馳騫而不知止得則忻忻不得則戚戚者吾不知其中之娛焉否也若猖狂詩酒間輕世肆志而崇游俠之行以自予雄又焉知其不以為娛者且夫得失亂其中憂喜移之一不能勝

則神有不全然中無所樂而求勝雖不戚戚其戚戚者固有在也彼獨處窮巷師淵明之所云而被服乎聖門歌商頌而聲出金石則窮年足娛矣元明其進於是哉

蔣偉字韋人諸生父客處塞外踰漁陽歷令支窮醫無閭負骸歸弟蚤亡行事似鄧伯道不樂仕進督子耕田非力不食寇發於坑率子姓奮袂擊之已入夏屋山中作夏聲集數卷陳聖主序之比于僊華全歸卒後駱秋駕誌其墓

朱淳贈詩 霜徑迴車蔽曉嵐枕中越絕病中參扁舟未就逃中土封植何曾視長男菊採金莖仍舊侶蘭滋玉蕊擘新含卿才尚鑒邨豐下趨向南陽佐盍簪

朱淳字同源以生有嘉夢號夢嘉家泮塘少負才思有用於世而神度落落有曠情為文思致幽湛出儕偶意想外閱者反復乃得其趣弱冠試童子為學使者黎公元寬首拔士自後試不越第三人所撰古文詩一歌視經義尤甚初視之或不能解久而服其雋永肯之謀篇者涉筆便以為可淳曰此神琰經公案狀也壯齡舉恩選踰年棄去賦秋離詩四百首曰冉冉虛生吾詩書中罪人也遂自處於散人不修候問壹意古學對玩書臺正襟危坐忘寒暑晝夜有所感發媿

媿言之年六十一寇燹及廬筆牀茶竈俱燼田園就
荒自是居惟四壁體無兼衣兒女織裨不向人乞憐
其憊已極乃尋幽則乘興忘遠遇豚世士與定交期
終始酒酣耳熱嘯而歌宛若無人與人相勉則惟以
武公切琢伯玉寡過爲言如是者四十餘年生萬曆
甲寅年四十一遊龍門訪天山道人鄭某講論河洛
之學復揮朱陸之蘊揭姚江致知之說爲宗邑大夫
聞其賢於月朔望延至明倫堂剖學習固窮之義卒
之前一月眸光炯然音吐徹戶外已而卒有詩文集

方技

方技它志皆有之烏不必無輅之卜景藏之相景純
之葬法而前此無述者今亦無所聞見惟丹溪之後
衍其傳宋學士之門亦行其教是理學文章之瀾洄
也而堪輿墨戲近世一二文人高士亦習之然各舉
其大此不復載云

元

朱玉汝得父震亨傳與從弟嗣汜俱以醫名子文永授
醫學訓科孫宗善正統初以醫著名嘗編所試驗方

附格致餘論後

明

宋淵濂兄爲邑醫學教諭

商節字彥和父伯永長於方脉醫輒取效授義烏醫學
訓科節承父業充太醫院冠帶醫士每宮掖療病無
不奇驗永樂旨上召令診脈稱旨特賜黑驢加銀牌
絡首得乘出入禁內寵賚甚厚陞太醫院判進階承
德郎掌院事

虞搏字天民幼習舉子業博覽羣書能詩章因母病攻
醫遂擅其術尤精於脉理經其診者數年生死無不
驗求療不責其訓韓方伯某聞其名聘令驛送往見
甚加禮敬治病餘叩問醫道搏以節嗜慾戒性氣慎
言語謹服食乃攝養之要益欽服焉義烏以醫名者
代不乏人丹溪之後惟搏爲最所著有醫學正傳方
脉發蒙百字吟半齊稿行於世
徐行字遜之文清公僑裔孫少爲郡庠生博稽羣籍氣
宇慷慨好施予長於方脉治療多奇效晚年濟人益
廣所著有脉經直指碎金集子尙志傳其業敦厚明

爽縉紳士林咸器重之

陸潭字本深先會稽人父金以醫術名烏遂占籍焉潭
二世傳業通脉理熟臨證爲人謙慎裁方製劑主以
平和不安投劫藥以取奇效斟酌加減病亦旋理人
皆愛信之晚年聲價益重郡邑大夫及鄰縣士民延
請無虛日子崧暨孫雖習儒亦世其業

國朝

虞國麟號瑞石究地理家言試以故壠應口而合順治
皆遊山左會

詔卜山陵巡撫都御史以名上禮部選中者五人屬探

穴址某某所指皆石某某所指土石半國麟指之得

土五色

謝天祺號毓林愷裔孫習舉子業不售遂攻醫取丹溪
心法等書讀之以藥自隨貧者輒施之起死以數十
百計邑侯許公直孫公竝旌其門曰恒心活人曰仁
壽至九十四卒子繼周述其業

虞智菴善丹青松石吳之文贈以詩

樓一品字朝之號綠濱居東江上世宋咸淳間有僊人

授以幼科術奇驗至明永樂中汝章復得異人傳名
 動都下於是宗人世守之一品少研經史不屑窮素
 難已而慨然曰希文言不為宰相當為醫抑吾邑丹
 溪子儒者也不嘗以醫顯乎乃博討方書積十餘年
 出無不中當路重之授以邑醫學官父守志嘗以僊
 方作丸散施人貧不取值卽造請者亦不計享年幾
 百齡一品繼之卽造請亦不計且曰吾家所稟惟僊
 不知古人所言自有妙理僊卽在簡編中晚歲施不
 倦康熙壬戌邑麥無秋黠者思揭竿起取穀百斛
 以賑諸大姓從之民志乃定又捐修平政橋捨地施

茶日不輟年亦近耄云

附寓醫 趙炳字公阿東陽人能為越方時遭兵亂
 疫大起與閩人徐登遇於烏傷溪上遂結言約共以
 其術療病相謂曰今既同志且可各試已能登乃禁
 溪水水為不流炳復以禁枯樹樹卽生萸二人相視
 而笑共行其道焉貴尚清儉禮神惟以東流水為酌
 削桑皮為脯但行禁架所療皆除人為立祠曰烏傷
 侯廟廟猶存永康至
 今蚊蚋不能入云

今志不詳其人
 而共其詳其
 志所載與邑乘軼事遺篇內散見者摭而補之
 宋
 朱熹婺源人詳宋史本傳及行狀年譜邑人徐僑傳定
 出其門淳熙八年至縣劉輝熺兄弟從之遊為卜其
 會祖豪墓詳丘墓
 陳亮永康人邑人何恢壻有恢墓誌祭文祭何恪文恢
 子大猷墓誌祭文祭妻祖母王氏文劉夫人何氏喻

寓賢

他志有流寓亦日游寓縣古舊志皆無此目今從府
 志所載與邑乘軼事遺篇內散見者摭而補之

宋

朱熹婺源人詳宋史本傳及行狀年譜邑人徐僑傳定

出其門淳熙八年至縣劉輝熺兄弟從之遊為卜其

會祖豪墓詳丘墓

陳亮永康人邑人何恢壻有恢墓誌祭文祭何恪文恢

子大猷墓誌祭文祭妻祖母王氏文劉夫人何氏喻

夏卿喻夫人王氏誌後裔遷居縣

蔡抗字仲節元定孫淳祐十一年知郡有烏傷行中云

我來摩挲墓前石見顏孝子墓

元

土柏金華人本傳見元史有次韻蔡抗烏傷行詩見顏

孝子墓

明

宋濂先世本邑人五世祖柏遷金華之潛溪柏以兄承

敷子溥德嗣溥德生德政即守德政生文昭文昭生

濂娶義烏賈氏

縣西根溪賈氏女名專二十二歸濂專母老濂迎養於家專與濂沽酒買

魚奉二老人歡濂曰吾雖貧而老親之歡如此吾退而安寢矣姑亡每念及輒涕泗交頤刻木為像事之遇疏食菜羹必祭濂曰昔丁蘭刻木丈夫又遷浦江子事女婦能行賢矣見濂先夫人木像記

青蘿山元泰定四年濂往伏龍山與聖壽寺禪師元

長締方外交三十年至正中嘗過元長談說連日

夜洪武十年濂致仕歸明年住持如海建學士亭於

寺南文章多刻存焉子璠邑人方天瑞壻

方孝孺寧海人詳山陰劉子宗周道統錄弱冠從宋濂

講學浦江東明書院見濂集及玉汶東明書院記王

忠文公禕子綬紳與孝孺同師濂刻禕華川集屬孝孺定之爲之序禕死節雲南門人議私諡之紳告孝孺作王待制私諡文節議祭王學士文節公文紳子稔師孝孺許以女周旋其難汶卽稔子陶奭齡文簡公望齡弟號石梁會稽人詳紹興府縣志及學邨園傳萬曆三十七年諭東陽與邑論陳乾陽昔相聚會嘗集吳氏抱甕園分賦見陳達德集

列女 古志作貞節

史以著平治之模而列傳之未必登壺則雖爲目遞有不同要師列女之意以與賢臣志士爭光竹帛蓋節而成於女不易矣然女而不節尙得爲女乎故天下之至正者乃天下之至常也而有奇尤卓越爲丈夫子所難能者始寧倪先生元璐國孤情之所獨抗得死而成正氣之所不徂造生彌永此褒忠也亦可例節邑之列女載在古志舊志增之今復增之而前有足範於後者後未嘗有遜於前古今人何遂不相

及乎然則名臣理學孝友志節儒林政事文苑隱逸
種種見於志者後之視今猶今之視昔也覽者慎毋
以為此女儀當然而勿以女自處焉


明

宋氏名嫔濂女弟賈明善妻歲戊戌十月西兵擣蘭谿
嫔同明善避浦江城寶山中未幾鄉民嘯聚倡亂殺
人嫔亡匿灌莽中為游隊所得抽銀條求脫不得將
亂之因以計給之行至深潭側躍入死昔十一月十四日也

傅氏名善貞龔印可妻年幾三十印可卒堅志守節訓

育二子泰寧泰官戶科給事中死靖難節泰妻傅氏
生永吉方四歲撫教肖其姑後永吉仕至大理卿知
縣吳祐為作安節堂銘

厲氏名妙圓建寧太守昔中女太常署丞樓士恭妻士
恭世家東門妙圓自歸相士恭有道治家有法奉舅
姑以孝聞洪武癸丑士恭卒於任遺孤安方七歲妙
圓年二十二朝夕哀泣堅貞自持父姑憫其少欲使
更適妙圓曰豈有士大夫妻復為他人婦乎舅卒姑
年老事之益謹家政無巨細必稟而後行每飲食必



先姑姑終葬祭以禮安稍長輒令就明師學躬蠶織以資膳脩遇夜抄圓親女工安讀師所授書寒燈雪屋機杼絃誦之聲嘗至四鼓歲時薦奠慟哭如新喪後安克自立承其家孫六人年七十有七而卒知縣劉同為之傳

舒氏鄭經婦德容兼美尤善書數年十六于歸內外無間稱景泰中處州賊葉宗留嘯聚山林劫掠郡邑氏為所鹵悅其容挑之百端終不對夜乘賊寢潛出寨門以羅巾自經家人收其屍瘞之玉色如生

後四年賊平鄉

人藍汝耕夜經氏葬處見一少婦出室迺曰妾舒氏之女鄭門之婦與君居同鄉為狂賊所鹵恐罹汚辱乃自縊茲抱恨泉壤四年矣天府以妾貞烈為雷府侍書奈塵緣未絕哀惻未伸伏願君附書信以致姑瘞耳授書訖更以玉簪一枝貽之汝耕越三日過鄭氏呈是書與物備悉其故其姑瘞垂泣視之誠然也婦手札及舊簪也舊志載遺事本西樵野記

金氏何仁二妻年十九仁二死止一女每撫之而泣繼以血所居廬三間族有欲其再適而私其產者毀其半使無以棲氏志益堅立姪為嗣有司知其節歲遺粟帛郡守劉蒞上其事詔旌之復其家

王烈女許某為室未行某死請於父往弔父與俱至則

服衰守喪惟父命之歸女取銀珥投於水曰此珥如
浮當從父命依姑處樓上終其身

方氏丁復興妻三十復興卒送柩往葬先是堪輿家云
山有吉壤族人挺矛以阻護喪者將與之鬪氏止之
護喪者曰然則毋葬乎曰葬者藏也寧必此地之是
而彼山之非乎護喪者曰餘石也舍此不可入矣氏
乃徘徊睇曰木長於土彼共者非土不長去木得
無有未詳其詳土方廣八尺遂以葬其後科甲
衣冠甲於邑里雖節婦之貞淑天實佑之然是地與

有力焉

虞氏駱柱妻柱亡年二十三哀慟逾禮毀其容杜門深
居日夜紡績以營衣食教二子煥燁有成年九十卒
事聞詔旌其門

虞氏黃極妻極卒遺孤宗鎬三齡葬後與姑及婢屏處
一室紡績存活有東陽張姓賂其父欲娶之氏顧天
誓死不能奪孀居六十餘年如一日卒年八十有五
嘉靖三十二年詔賜旌表

趙氏黃宗武妻年二十三宗武卒誓守孤幃力勤紡績

五十餘年內外無間言事聞詔旌其門

陳氏徐越妻越屬纊時年十九抱孤恭守節恭亦亡繼姪廷佐爲後晚節愈厲巡按御史周汝員扁其門曰
冰霜雅操

黃氏庠生吳嘉謨妻歸三載嘉謨卒氏年二十一哀毀幾絕有欲奪其志者忿叱之卒全其節有司具申學使者范惟一表之曰貞行卓有古風完節允爲內範馮氏龔福興妻福興卒哀毀骨立時姪方七月閱三月而子熙生辛勤勞瘁撫育成立考終於室郡守汪文

淵行文褒獎

樓氏江灣吳湘妻湘亡氏年二十四哀慟幾絕有富室欲娶之斷髮以誓教子明相入邑庠年至八十卒僉事趙大河表其門院資以帛

方氏監生龔滔妻滔亡年二十泣撫遺孤辛勤自守及子女嫁娶終一日謂其子曰吾志畢矣吾將見汝父與於地下遂絕飲食更衣而逝

王氏龔廷亨妻年十九廷亨死矢志撫孤年踰七旬始終一節郡守李一元行獎復其家

陶氏王兆慶妻兆慶亡氏年二十二孀居自守飲荼茹
檠白首不渝年八十六卒郡邑褒獎
虞鳳娘守中女姊適東陽徐明輝姊死明輝懇於守中
欲聘爲繼室鳳娘伏牀號泣父母慰解之鳳娘收涕
告曰女見兄弟未嘗同妻者卽姊妹可知必欲吾往
有死而已父不聽遂絕口不言自經死侍郎虞守愚
製文奠之

洪氏李誠妻知州文婦誠染篤疾氏年十九典衣療治
及革哀毀逾常已姑及媪勸其改適氏斷髮號誓姑
老子幼竭力事育六十餘年內外無間言知縣沈天
麟贈以詩云夫在兩心結夫亡兩子單棲鸞謝鉛粉
鐵石矢心肝白璧百年事青天一寸丹表揚應我愧
貞烈異時看知府葉宗春具其事以請隆慶五年巡
按御史謝廷傑奏旌其門

傅氏名阿瑜吳百忠妻百忠道卒氏年十九號頓踣地
指天自矢不更適時衣食不裕無嗣止遺一婢艱苦
萬狀家人難之欲奪其志久而益堅以姪大繼爲嗣
撫入邑庠歷四十餘年如一日鄉里具詞府縣備申

院道表揚其門事見堯山小傳

王氏名貴舉人毛一松妻照磨毛倫婦一松會試道卒

貴聞斷髮守制二子如玉甫八歲撫之悲號日夜不

輟夢一松示以詩曰悽悽復悽悽白頭不相離課子

入庠姊沈氏名淑一松弟庠生一蘭妻年二十一

一蘭染病盡心湯藥瀕危祈以身代一蘭死子生二月

名之遺兒越二載遺兒瞽母家欲令再適氏悲泣告

曰夫雖不幸而夫緒尙存若以夫亡子瞽而改節他

日何以見夫於九泉邪事姑以孝稱知縣潘允哲上

其事於郡郡守葉宗春遞申之隆慶五年巡按御史

謝廷傑表其妯娌雙節云

謝氏鄉賢愷女弟霧溪陳映妻年二十映亡哀毀過常

撫孤四歲室中常以燭達旦奉姑盡孝歷五十餘年

侍郎虞守愚具詞旌表子臻遠篤孝賑饑者三餉兵

勦衢盜捐金建學奉詔助邊授七品散官孫德達有

卓行郡邑獎勵識者稱其閭範云

楊金娘明八女幼許胡恩為配恩以貧故應募過辭明

入立語當門石畔金娘偶窺見之逾年計聞號慟嗚

咽明入私受里人葉守和聘將改遣焉金娘知之潛
往恩所立石處涕泣三日得隙自經死時年方十七
事在萬曆五年八月二十七日縣採公評立石表其
墓

王權娘宗武女垂髻聽宗武語古烈女事心輒喜受聘
於馮希範未歸希範痘亡訃聞權娘哀毀晨昏涕泣
誓與希範相從泉下族逢喜慶一切不與邑士夫有
欲娶之者割髮以明不二父母知不可奪別建一室
居之從以一婢足不踰闥目不窺戶宗姻罕見顏面

茹淡甘苦躬紡績以自給每遇希範忌日悲哭踰常
四十年如一日萬曆八年縣以千古貞風扁其門因
感傷成疾卒十六年知縣熊鳴夏立石表其墓二十
三年知縣周士英具申院道請旌

戴氏武林廷祖女沈時學妻年十七來嬪十八時學死
遺腹繼淮撫之成立辭祿侍養歷五十餘年院旌其
門

葉氏劉潤妻年二十四潤亡遺腹一子來娶婦朱未幾
來卒朱年十九無子父母欲令改適朱仰天誓無貳

志事姑惟謹辟纊以資膳養及年六十一先姑一歲
卒後與姑同葬本都長蘭有異花數本出家上狀如
白菊朝開暮滅人以為雙節所感云

王氏劉守廉妻年二十二守廉亡遺孤在襁褓與守廉
櫪同一室撫孤有立終始不渝

李氏黃承洙妻適三載承洙病革氏年十九慟躄殞地
姑諭曰孤在襁褓且有姪撫之成立上承宗祀孝也
徒死何補氏乃矢志堅守舅氏憐其青年勸令他適
氏持刀欲刎乃止家勢彫落勤紡織以贍朝夕課子

嗣華肄業邑庠旋卒婦俞同姑守節堅守無二知縣
俞士章以一門雙節扁之萬曆十五年巡按御史王
世揚奏旌其門

張氏名妙英隱士沈賓國妻賓國家貧好讀書交遊吳
越名士不治產業妙英織紉以供困乏及賓國亡妙
英年二十五時子天秩甫週齡悲號觸石幾斃姑再
四慰之曰沈氏一脉惟是藐孤我且老汝亡我與若
孤誰倚妙英乃感悟復甦久之父母憐其年少勸之
再適妙英曰沈生欲為古聖賢吾獨不得為古烈婦

義烏縣志 卷之十五 三十一
哉惟有以死相從於地下耳不能奪遇忌辰慟哭竟
日歷五十六載始終如一縣上其事道院數加獎異
年至八十卒

陳氏朱需妻性溫恭不妄言笑適需孝養舅姑年二十
二需亡遺腹一子矢志堅守屏膏沐勤織紝以鞠其
孤孤長家貧流落普濟寺強氏徙居氏諭以禮不從
孤尋沒復與婦撫孫孫復天婦去朝不謀夕志節愈
勵年逾八十五而終家無遺資宗族共斂之

王氏虞良相妻頗諳書史良相以選貢赴京於嘉靖十
三年病卒皆氏歸良相甫二載年二十慟哭幾絕遺
子德輝劬勞撫育閱一載亦亡父母憐之勸他適氏
斷髮晝夜悲號不能奪孝事舅姑立姪德焄德焄死
又立德燿德燿娶婦生子父子又偕亡立姪孫應奎
承德燿祀零丁孤苦年七十而卒戚里鄉閭言之至
爲於邑

季氏金貢妻居赤澣年二十六貢亡哀慟不絕勺水不
入口者七日日勤紡績資以奉姑撫孤姑年八十事
之如初嬪昔山寇竊發輒相戒母驚金寡婦歷四十

入載卒年七十有四萬曆己未曾孫德義舉進士疏
聞禮部題覆得旨建坊表其閭

謝氏景辰女龔一清繼妻年十七適一清一清官廣西
副使留氏侍姑于氏脩灑蘋蘩無爽節一清卒于廣
西氏年二十七奉姑如一清在肯撫子士驤成進士
請旌得旨建坊

金氏字京娘行太僕寺主簿世儀女幼失母隨侍祖姑
年十五從世儀至任陝西歸舟泊宜城盜夜劫之世
儀墮水京娘呼號力救賊逼之京娘赴水死肯泰昌

元年冬也

樓氏駱元達妻年十七歸元達甫二載元達世氏年十
九晝夜號慟父母憐其貧勸改適氏齧指出血以誓
有勢家以繼室請者持刀欲刎曰吾惟哺孤存夫後
耳乃不欲吾苟活邪爰居獨室紡績供姑不與喜慶
萬曆二十八年年六十二卒邑人以其事達縣張侯
維樞遞詳巡按御史馬從聘扁曰完節奇操

王氏丁文彩妻年二十八姑病刲股以療文彩病羸臥
不起供湯藥五載不怠舅與文彩六日內相繼亡肯

氏號慟自刃幾絕姑救之甦家徒壁立斷髮撫二孤
崇禎三年巡按御史李某具題建坊以子允光貴封
太孺人

陳氏霧溪女酥溪胡德盛妻歸甫朞年二十德盛疾革
祈身代比殞絕粒誓俱亡仍縊救甦者再舅姑耄事
甚摯課孤之翰不輟終身編衣蔬食遇忌辰哀毀如
初縣詳院道交旌之有節壽錄

樓氏駱行演妻居檀林六月十六日潰帥方國安悍卒
太掠而東淫殺過赤眉村婦遠竄三十里外氏貧不
能去出避山谷中至前塘知不可免立其畔家人促
之不行須臾卒及躍入水水淺更躍入潭死後得屍
塘中端坐如生

樓氏駱彪妻潰卒至氏仰天號哭卒迫之行遇一深塘
跳而入卒恨入水殺之人稱樓氏雙節
金氏駱邦仕妻逢潰卒躍入塘卒起之復躍入卒以刃
落其裙樓之不得被數鎗死塘水盡赤

何氏駱舍妻被殺沈於塘得屍徧體皆刀痕

駱烈女父明綱無母年十五未適十九自明綱與女避

卒於張坑塘犁壁山下為所得女抱父賊欲汚之殺
父女以口咬卒臂卒砍其頸半截口不釋賊臂血寸
斬而去

駱氏名小姑朝陽孫女諸暨庠生何瑞上妻年八十六
家裕一子為諸生諸孫遠壻下方國安潰卒至與門
內何映賢妻黃氏昔已嫠同竄兒家塢卒至搜得黃
拔刀脇之黃不從欲加刃小姑厲聲曰彼二十八歲
守貞可無禮邪卒怒以刀脊砍小姑小姑罵特甚乃
殺小姑一老婢以主母被殺亦痛詈并殺黃適逢斷

竹入叢自刺死

駱秋駕四貞二烈合傳論曰四貞二烈潔比秋霜寧
特光我唐祖討墨一概之餘烈抑且係天柱地維女
媧煉石之聲光或曰四貞之二樓無間然矣若金何
二氏之會再醮何曰豫讓之晚節而春秋避之嵇紹
委身父仇而蕩陰錄焉且魏文貞也而諡著唐史今
金何之志節堅持無慚末路金石一心何獨非貞或
又曰弱女齧賊一死烈矣以八十六歲之名姝而死
一嫠婦不已泰乎曰丈夫之義烈左儒見美于周庭
臧洪執誼于漢史况乎年老氣衰丈夫不免張禹末
年乃繡縫王氏元忠晚節亦矢志三思今我祖姑能
以八十餘年之衰嫗而罵賊身殉大義凜凜其與顏
常山之烈舌同爭光於日月者也

弔雙節詩 萬馬聲嘶玉石焚頸交白刃咤香菟二
姚會記 沅湘蹟六月潭光萬古存
駱元旻弔雙節詩 節俠偏鍾不出閨樓門二女駱
門妻不從賊汚俱甘溺明月清風映兩溪

金氏進士德義女適東陽許欽京丙戌山寇猝發淫掠
村墟氏奉姑駱氏避走泊塘山遇寇露刃向姑氏大
呼勿傷吾姑寇轉逼氏力奪寇刃十指盡裂急奮
臂刎喉殞地濺血高丈許寇驚走姑獲免鄉人爲立
碑

國朝

倪氏仁吉字心惠浦江吉安郡丞尙忠女邑庠生吳之
藝妻七歲誦女誠諸書慕曹大家之爲人十二三能
詩兼善書畫十四慟母柴毀十七歸之藝姑龔氏爲

一清女課之藝嚴之藝因葬父病損彌留之際仁吉
灑淚和藥矢以身殉之藝揣知力阻之且屬以立嗣
奉姑仁吉含泣順承昔爲天啓丙寅年二十慟絕復
甦囊土成墳對籤軸圖書如見之藝以鍼繡爲程課
事姑猶母得暇爲稱說古傳娓娓承歡撫教爲後三
子雲將雲亭皆食餼雲津聲高黌序仁吉自嫠居後
行不窺堂衣不易素事姑閱十三載姑亡刻像供室
中三十餘年朝夕奉之間以吟咏自遣年六十有疑
香閣稿里人舉其事遞申於院康熙十二年奉

旨給銀建坊事詳貞節錄

悼亡詩 曉悲鷄咽暮悲鐘
虛却深情我輩鍾孤館無聲

猶似夢空惟有案為誰供殘編點點皆餘血棄履塵
塵尚剩踪君是仙才宜應名遙天何處更相從
先姑龔太孺人詩 夢魂猶得承顏色語笑經
違三十秋耿耿此心珍所授尙存香鴨在牀頭

朱氏劉之龍妻年十四適之龍之龍病羸語氏曰若可
他適毋虛而生氏正色曰君乃以狗彘視我邪亡何
之龍逝於春之龍父與母殞於秋與冬氏年已三十
服縞茹蔬春必自杵汲必自引井去家遠取池水飲
之數十年不以為濁康熙癸卯十月二十八日年九
十沐浴整衣呼姪與姪婦訣而卒

駱氏名國默陳之鏞妻年十七歸之鏞十九之鏞亡遺
孤璽甫五月屏去鉛華足不履戶外奉舅一十四載
姑三十五載訓育璽竝從紡織竭力以支歷五十年
無異性仁聞有死於道者命璽斂以槥荒歲里人洪
啞子持錢買穀錢失求死命璽給以米康熙十二年
奉

旨建坊旌表

王氏禕後庠生蔣達妻年十七歸達康熙甲寅鄰寇歛
起充斥城鄉氏家臨江 王師遶道馳至氏趨覓叢

薄以庇有數騎追及露刃勒之上馬氏曰頭可斷馬不可上也一騎卒下馬將逼之氏躍入江潭死此十月六日事也

葉氏名爾烈庠生尙坦女生而骨體娟秀七歲愛習柔翰誦列女訓不徹描刺鸞鳳如生人以鍼神目之九齡許字乙卯孝廉張士絃第三子孫瑤孫瑤幼失恃面如琢玉膚若凝脂雙眸剪水稍長才敏絕倫年十九而逝孝廉騎報爾烈方曉救聞之號哭而絕絕而復蘇者再泣告尙坦及母欲親往一拜尙坦謂未字

不宜往爾烈至誠哀懇尙坦憐之盛飾輿到門舉幃出玉佩明璫拜於堂下敘禮畢至靈前拜奠吞聲飲泣茶竟起問太姑吳氏曰有空房否欲少憩入則閉雙扉移時令小鬟捧出一盒啓之珠璣翠羽彩衣繡襦弓鞋趾帶并髻髮一攢且傳語送還父母從此決矣肯士絃與尙坦相攜入視見爾烈髡頭跣足披麻束草泣拜于地尙坦持髮哭聲震天爾烈從容啓告謂兒之截髮以安二人之心無他念也尙坦因促其歸爾烈蒙被而臥士絃尙坦慮生他變遣輿迎母

於室中不留尺帛寸鐵母至悲痛交集坐徹更鷄羣
動皆息竟解腰帶白經母覺之救解越日欲親至墓
所阻之不止裝素輿徃父母舅姑偕行三奠畢傾身
觸墓下骨損肌傷昏絕于地父母痛哭呼叫一息而
蘇抱之歸嗣是少進粥糜所存惟瘦骨吳氏日若來
肯似海棠初放今作雨打梨花矣父母遺體何自苦
乃爾且古來節烈多有貧寒而守終身亦得揚名旌
表今吾兩家衣豐食足愛養深閨余已長齋繡佛兼
通內典相與學道參禪逍遙歲月豈非節孝兩全乎

爾烈拜而泣曰兒非木石感大人至言訓誨屢違慈
命自知罪戾非淺然兒亦有短衷古來守志者必因
親老無依或有兒女孤藐誠難捨割今兒子然一身
了無掛礙况舅與父年當方壯嗣胤森立兒今斷髮
跣足已作廢人總活在世何益又年方及笄來日頗
長在生一日累親一日不若死之爲便雖割不可忍
之恩情而全綱常之大義或不悖於孝耳值中秋月
色明朗以杯酌慰母暫爾解頰酒闌人憩爾烈卽破
碗鋒自割血流牀褥母見之抱持而哭衆皆驚起急

敷以藥頸向一絲未斷晨光初徹姻鄰過之無不悲
 慘從此滴水不進慄慄待盡歿之晨急呼母曰兒去
 矣含笑而逝母臂其首抱而哭曰兒竟捨我而去邪
 尚坦痛之幾不欲生室中慟哭哀號聲震林谷與孫
 瑤合葬西林之墅窀穸之日郡當路出郊祭奠紳士
 紛紜哭送生無一面之緣死有千古之義如此本吳
 氏傳肯康熙二十四年事也知縣辛國隆看詳遞申

司院 題旌給銀建坊

邑人徵建祠立碑啓有曰拜
 舅姑於堂下卽是于歸奠夫

子於冢中便爲合香觸墓救甦心已甘於玉碎投繯
 未絕念豈願於瓦全較奪齊之慷慨僅少鬚眉媿文

謝之從容但多巾幗遂使衛國共
 姜千秋璧合數家貞媛一郡珠聯

丁氏名曇娘年十二許沈敦

十七
 都人

明崇禎甲戌敦父官

雲南曲靖經歷敦隨往卒於署踰四年得訃曇娘年
 十五哀號欲捐生以徇寡母傅氏諭以母女相依女
 亡亦亡因遵母命易服改粧爲敦立主歲皆伏臘招
 敦祭之日勤機杼鍼指膳母歷三十載康熙十二年
 傅卒嚮衫笄殮葬皆積雪沒脛哀慟墓側淚流頰
 裂見者賈涕又製敦父母主與敦主具縗經捧入沈
 祠先是遠近爭道冰上人求婚曇娘斷髮自誓終身

編素足不踰閭有婢冬菊焦髮跛足力作共養苦不

去年六十七知縣王廷曾遵檄給資建坊

倪仁吉贈丁貞女詩二首 莫問滇南雁 豈道有夫

誰肯任重移甘充繡佛司香使日伴曇花樹柳枝

看黛未經張敞筆冰心已慕衛姬風 千秋高行誰堪擬孤月長懸雪外峯

童氏名涓娘買之儀 二十七 妻年二十一之儀沒二子

長三齡次生三月家貧織紵事姑姑染痼疾顛天請

代割股以進日夕依恃凡三年姑愈寒燈課子營葬

三世府縣有旌載府志

朱氏樓國遴妻十七歸國遴十九國遴殂舅姑垂白無

子侍養甚勤貧而益堅

王氏許蔣舜咨子巨川巨川及吳之器門聘而未娶巨

川死氏忼慨引決舜咨迎而合葬焉

吳之器黃鵠歌 黃鵠雙飛迴顧侶且徘徊半道忽

相失零落咸摧京南山松柏中樵斧女蘿兔絲無所

附雷填填兮雨冥冥惟見風吹女貞樹儂家生處本

朱樓珠簾繡戶珊瑚鉤臨鏡但能窺素影見花渾未

識春愁天桃穠李開晴曉游絲青鳥何繚繞謝郎詞

賦已波瀾蕙芳詩禮猶嬌小齊肩雨好物難全誰為

仰首問高天雲間比翼形還隻花底連枝影忽偏玉

碎蘭摧惣成怨所憐未識郎君面華畿豈復責前盟

紫玉終須守初願金雀藻翹明月璫丹霞作衣雲作

裳借問池蓮抱香死何如堤絮逐風揚瑣牕一去白

日速淚漬春痕上堦竹郎家迎旒裊芳魂雙壠聯聯

竝空綠杜鵑斜日少人行恨紫愁紅氣未平已能不

枉生前意何用傳它世上名君不見楚國龔渤海十日不食無所悔何必封侯鼎食誇上宰又不見大梁夷門生片言許友殺其身何必十雙白壁千黃金儂今欲從泉下人安待綢繆櫛與巾嗟乎寸心難負有如此悠悠安可欺良史哉冠長劍徒爾為粉白黛綠有男子

王氏禕裔雁門童應憲妻崇禎戊寅應憲病亡氏年二十子一訓四齡襄事後皆過冢悲泣形惟骨立尊章髦朝夕饋食過於應憲存昔而居家織作聲徹戶外教子擇名師醴膳盡誠不使妄交已孫世選逝婦季年二十四一訓逝婦王年二十八孫世達逝婦龔十七皆矢志守昔有一門清似水四婦節如霜之謠一訓

亦有孫童氏五世皆氏一身所繫康熙三十年正月有一統誌之徵知縣王廷曾列名申纂

朱氏司訓崇魯女方崇吉妻崇吉殞立兄子式義為後延傅訓之娶婦虞數載式義亡姑老持行并廢疴癢敬抑搔之先後敬扶持之疾篤顛天祈代葬姑及崇吉捐田入祠復立式義兄次子嗣之

王氏庠生季啓元妻啓元年二十殞於痘氏年十七歸甫一載遺姪三月產子輅屏絕鉛華不與燕賀家貧無伯叔宗姻之倚舅姑耄耋病則博求藥餌沒則力

營喪葬節而兼孝族人舉之

樓氏庠生朱蜚英妻年十九蜚英歿奉姑養子內外無

間言

何氏諸暨明經曙賢女駱宁楨妻方國安潰兵四抄氏
從姑挈子避山谷間聞兵且至氏語宁楨日事亟矣
勿以妻兒故累君姑則不可不求安所也未幾兵至
逼之不從施以刃就仆頸血滿地鹵其子方燧去已
而家人往視之咽喉未絕有餘息昇歸療治復蘇後
方燧亦復歸舉方烈方燕

劉氏名娣馮士身妻子歸三載艱於子嗣每勸士身納
妾以延嗣續順治二年乙酉夏六月二十三日方國
安潰兵肆掠氏避難母家青肅村兵至氏遭鹵掠度
不免奮身投水兵以弓弣絞髮挾之登騎氏拔刀自
刎兵奪而鞭之氏正色曰死而不浮亦復何憾因以
頭觸石兵抱之口斷兵指兵怒甚奮刀亂砍剖其屍
而去次日收屍視其膚盡裂而無積血亂髮直豎數
寸面有淚痕如生人昔年三十一也邑士大夫咸悼
惜之各挽以詩

進士金漢蕙長女適東陽庠生吳堡次女適浦江進士
大方伯致虛樓公長孫洵培俱少年乏嗣守節康熙
二十年東陽知縣俞允撰采載邑志浦江知縣毛埜
詳請旌表人稱雙節云

葉氏鳳娘曹鯤妻鯤自休寧至邑為小賈而貧順治八
年二月鯤逝鳳娘年二十三舅孝子六歲鯤垂革屬
鳳娘再適以存老幼鳳娘剪髮毀容晝夜紡織瘞鯤
膳舅擇師教子里人慕其賢以女女之撫孤姪為納
婦苦節三十七年卒

陳氏吳茂妻年二十四茂亡事姑夙興夜寐勤泉饋儉
勤聞閭里延師訓子及孫康熙二十二年縣遞詳諸
憲旌以扁年八十三龐眉皓髮衣冠繞階下有堂前
風

郭氏逢詵女庠生王之紳妻年十九來嬪之紳抱病
藥餌不解衣者二載疾革子明冕方齠齡拮据緝織事舅姑以孝

王廷曾扁其堂曰柏節松齡
吳璋玠有子擅詞場堪
媿祖母嫻閨範足貽孫
句吳之文有頭上青雲無
明冕字周文著忠孝傳有
裨名教子景德庠生
改色庭前黃鶴有傳歌句

邊氏駱文燮妻年二十歸文燮二十三而寡有戚屬逼
令改適氏厲聲拒之絕其往來孝事舅姑訓子雉能
文爲邑諸生康熙三十一年宗人舉之知縣王廷曾
批其詞曰據稱駱邊氏艾齡失翼早矢柏以存夫別
鶴悲琴輒丸熊以鞠子歌不移於黃鵠功遂顯於墨
莊旣繼志之有人宜闡幽而表節

吳氏金之善妻二十一之善父沒未匝月之善亦卒無
嗣逾年夫弟生子抱撫之名意高紡績教養姑係繼
室事如母三十年不改母病刲股以愈意高有立

施氏吳主一妻庠生施所蘊女幼嫻庭訓及歸主一能
先志承姑舅歡家故貧紡績佐讀卒舉于鄉主一畢
生懿行內助實多因艱嗣息置側室名家女張氏呂
氏後呂舉子三顧復噢咻逾於已出主一沒冢男湛
甫十齡以三孀撫弱穉艱苦備嘗延名師課子卒以
成立於歲入節縮之餘設體綴襖以彌里黨困乏甲
寅閩變白寇蝟起沿鄉拷掠氏預合諸男遠徙紹界
獨以耄耄老嫗寂處其間暴客入境亦相與高其誼
戒勿相犯年八十四無疾奄逝至今里人稱吳門三

節云

金氏邑庠金欽之女廩生金招蘭女弟自幼寡言笑慎
裝飾定省之外止理女紅足不踰閫貞靜之志天性
然矣長適陳司馬鶚公長男安年相敬如賓勸安年
力學不倦故得噪名鬻序未幾安年蚤世遺孤甫離
襁褓又相繼而亡氏從近派擇一子以繼宗支凡供
蘋蘩事舅姑以及姻黨婚喪未嘗有缺憾其孝敬勤
儉與貞潔之操卓然有古女士風

丁氏年十八歸朱應蘭遵內則得舅姑歡相夫有鷄鳴

風應蘭攻舉子業不售北上未幾計至丁氏哀毀絕
食誓以死殉姑曰遺孩鴻文在奚溝瀆爲因勉進饘
粥却鉛粉下鞠孤嬰上承姑志總內事二十年貲益
饒歲歉出粟以粥餓者途有殍出金爲之瘞貧不能
殮則施之棺居之北溪流漲溢木橋廢新以石焉至
今途無病涉延師課子入太學娶金氏女秉性溫惠
側室許生男惟馨羅生男惟馥亡何鴻文謝世金之
欲殉也如其姑姑之勉媳也如其昔婦姑相抱泣曰
吾兩人所恃者熒熒兩孤耳遂相與撫誨以嗣家聲

長孫惟馨以弱冠顯於庠邑侯孫公于公辛公俱式
廬旌曰一門兩節

金氏庠生蔣廷峙妻廷峙幼讀書染癆症氏年十八于
歸甫一載以峙病卽各寢未幾峙卒峙無昆弟氏撫
遺子以婦兼子紡績供舅姑內外無間言課子成立
三十年足不踰閩言笑不苟而敦禮重傳簋簋七箸
必手滌饔飧羞脯必手製茶苦自甘麤糲自適治家
井然翁姑以耆壽終奉養如一日節孝洵稱兩全
李氏故儒童金以棟妻以棟少讀書負英氣工書法與

族叔都諫紫汾游京師都諫視之如子以疾卒於京
氏聞訃躡踊號哭幾不欲生翁姑力爲勸勉乃止家
貧翁復病瞽藐諸遺孤無以自給氏躬紡績力針指
姑病顛天祈代病瘳孝養勿衰定省無間課子永煥
篝燈讀書夜分不寐試輒前茅有和丸畫荻風

吳氏明孝廉諱之器孫女也幼端慤言笑不苟精女紅
從叔母倪仁吉學通女誡諸書善吟詠年二十歸陳
配作霖事姑金曲盡孝養未及二年而夫死居喪哀
毀骨立遺孤潛時方在抱家貧仰事俯育備諸作苦

未嘗言勞甲寅寇變奉姑逃匿深山瀕死數四卒能
完節終其孝慈後姑亡哀毀如初凡殯葬營費皆出
氏針指間居常以義方訓子澹比澹讀書能成立氏
適染微疴蹶然起曰吾今可以見亡夫于地下矣遂
不食而卒氏守貞凡二十餘載鄉人義之白于縣爲
立傳云

陳氏生員王呂之妻毘陵司馬伯鶚之女呂幼染弱症
早卒遺一子大圭方三齡親黨咸謂氏子幼家貧勢
難貞守氏誓曰幼遵先大夫嚴訓惟知一天兩姑在
堂孤兒在抱氏有他心老幼何倚于是孝姑至終教
子成立大圭克承先志蜚聲黌序有子有孫矣邑侯
辛旌曰德追孟母署府事司馬常曰操矢一天

舊志載水旱蝗螟風雹雷火日食地震霜雪不時之類
類及細微變異而府志參入寇攘今竝從之

漢

文帝二年十一月晦日食婺一度

建始三年十二月朔日食婺九度

元初六年十二月朔日食須女十一度

永和三年十二月朔日食須女十一度

晉

寧康元年正月有星孛於婺女

梁

雲黃山神燈見

傅大士化後遠近人絡繹登山於行道塔上燃燈供佛聲唱佛名四面燈

見布列塔下或空中出見大如車輪時人謂之天燈

唐

永徽四年大旱

咸亨四年七月大水暴溢

元和元年正月月犯太白於婺女

開成二年二月彗星見於婺女

宋

紹興十七年正月彗星見於婺女

嘉定十六年繡湖清

是年邑士擢第者虞復朱元龍龔應之樓大年方應龍五人

咸淳十年繡湖清

是年邑士王龍澤魁春榜相傳湖水清出狀元是年果應王禕有辨

景炎元年九月繡湖清

時邑人黃鑄妻童氏懷妊二

三日後或聞嬰兒聲遂生潛

元

延祐元年繡湖清

明年黃潛成進士

至正二十三年九月謝再興據義烏壬午李文忠與

之遇擊敗之

明

永樂九年繡湖清

是年邑人雋鄉舉者馮大綱劉安陶永成吳大用四人

永樂十八年三月十四日智者鄉雨瑞麥

天雨蕎麥徧野人爭

拾以歸士大夫賦詩

永樂中陳理中先塋產連理

塋前山茶花一本了上復成連理孫秉中兄繪

圖貽後

正統間花溪挺瑞竹三竿

虞氏園竹三竿一本時有三婦幼年孀居守節八十

餘終以類應

正統八年縣廳前戒石亭產瑞椿

皆劉同令邑廉謹自持周恤窮困表

章節義嘗立明德新民二坊於縣治東西廡已化俗是年春有椿一株二枝並秀挺出於廳前戒亭十一日蘭谿進士郭仲南見之曰此由賢令仁愛及民感而生此因名為瑞椿時丞劉傑同心濟美故並秀兩枝云

成化二年邑中大火

二十三年秋旱

弘治四年大旱

八年九月十六日夜有星如月自東南流西北聲如雷

十六年四月十一日大風拔木

十八年九月十二日子時地震

正德三年大旱

四年十一月大霜傷竹木

八年上市火

十一年雨雪二月

十六年正月一日彗星見

正德間縉雲鄉生連理木

四都石板嶺吳文高墓有連理子瀾贈刑部尚書孫

教諭瓊封侍郎贈刑部尚書曾孫百朋登丁未進士第官至刑部尚書孫女適東陽趙宋生三子俱登第此為之兆云舊志云今尚存

嘉靖五年大旱蝗飛蔽天穀一擔銀一兩山巔谷之鄉有洗兒不能得衣者

九年霜害稼

十年九月九日夜大火燬民居過半

十一年八月彗星見西北

十五年三月彗星見東南方

十七年二月火燬官民房屋

十八年夏彗星連見六月大雨浹旬洪水漲溢

秋八月崇德鄉產嘉禾

二十二年蝗復災

二十九年大旱

萬曆四年繡湖清舊志云至今未濁

七年五星聚於婺

十一年旱

十四年旱

十五年旱夏大無麥禾七月大風穀實半落

於田

十六年夏旱穀貴甚民殍載道

十七年旱

十八年夏大無麥禾 六月二十八日大火燬縣

治及民居甚多

十九年旱

二十三年春雨雪四十餘日山谷中有凍死者牛

馬俱斃

二十四年三月二十八日大風雹壞民田廬舍起

自十四都十五都十三都十一都以至六都三

都四都五都夏麥秧種埽絕古木盡拔

二十六年大旱粒穀無收民食草木餓殍滿野

二十九年旱

三十二年十一月九日夜地動

三十三年大雨雹

三十六年大旱

三十八年正月縣治火譙樓燬

四十二年彗星見縣西北角

四十三年附郭靈塘鰈紅映水塘爲之赤

是年邑人金世

俊入吏部

四十六年出尤旗見縣東北彗星有赤光如火長

竟天 大雨水颶風迴江湖水高數丈閘口乃退

天啓四年白麻雀紅足集賓館餘鳥噪集者萬計
六年縣治大水舟行衢中

崇禎元年三月霜殺麥苗荒蕪遍野縣治火燬東廊
三年湖清門火延燒縣治大半

五年縣治火燬西廊
八年猪產兩身一頭八足

九年大旱民食土名觀音粉百姓賴以活者甚眾
十年四月枯禾重蘓結粒米香異嘗 是年邑人虞國鎮名入翰

十三年正月大雪大雨連綿三閱月 六月小旱

秋大稔 水山
十六年牛初生兩頭一身八足越二歲浙閩起而

自角 十二月許都倡亂於南巖邑力以馮生
謀伺間殺之不就而死

十七年六月中天虹見兩頭開丫丁汝彭破城縣
治自正廳川堂後署貢賓館儀門及典史衙署

外悉被焚燬

國朝

順治三年大旱斗米千錢夏 王師渡江

四年春斗米八百

八年九月西門外胡公廟兩瓜生並蒂

十四年大水江流逼入城港邑南禾苗淹沒大半

康熙八年天色晦赤雨白毛徧地

九年江以南五月復大水 冬十一月梅李樹各

生花治燬於寇

十年八月六都新廳地方地無故自鳴三日裂丈

許見紅水觀聽者數百人尋復合

十三年八月二十日皆縣甫定 王師往東陽九

月寇復突入抄掠焚署廨十二月復之知縣于

連儆民居視事

二十年秋大旱井泉枯汲者苦之

二十一年夏霖雨溪流暴漲漂沒廬舍人畜多溺

死

二十二年春積雨小麥萎黃盡死李生桃實菜生

黃瓜山中楹木開榴花三都有山產芝無數居民採之次晨隨出閱數日不復見

二十八年十一月九日熱甚大雷電

古蹟

往蹟之所以可垂者以其境之勝致之佳傳之久而名之歸也如綢州東巖華川鳳林等城舍猶同郡之保寧八詠北山白雲不可不識他若址之廢者改附

營立

綢州城縣北一百八十步按舊志在唐屬綢州其城址漫不可考故老相傳居民時於土中得斷碑有綢州字而不知城之盤亘止於何所但縣治正在舊綢州南一百八十步城郭未必非其故處或曰縣本無城郡志特指四圍所周之地言之

華川縣城

縣西南三十里周三百步廢久遺址莫詳

舊縣城 見城池周三里一十五步舊志註此作二十
三步又註金麟門因金麟山名槐花門縣入

永寧 鄉路

青雲樓 儒學東共二十一間尋廢萬曆間知縣
范鶴重建於鄭公墩後復改爲三忠祠

觀瀾亭 儒學
左廢

安樂堂 元置軍
營左

會景亭

清曠亭

擷芳亭 竝繡
湖南

清勝亭

繡光亭 竝繡
湖北

綠雲亭

叢玉亭

素香亭

悟真軒

雙栢軒

釣軒 竝繡
湖旁

東巖書舍

縣東三十五里二十五都清德里滴水巖
宋虞復建遺趾尚存又陳聖圭云東巖
宋名儒講學處名儒考亭高第江以東所推朱學適
傳者峭壁上墨跡隱隱可識疑屬徐文清僑所書

講巖 縣西北三十里酥溪石氏一菴講學處

蜀山書舍 縣東四十五里久廢明洪武中樓宗遠重建

華川書舍 宋濂記華川書舍者烏傷王君子克學文之所也烏傷有大澤為華川唐武德間嘗

置華川縣不久而縣廢今之所謂繡湖者即其地也子克之居直湖之陰猶繫之以舊名志乎古也子克

之志乎古豈止此而已哉上自羣聖人之文下逮諸子百家之文咸萃舍中日冥搜而精玩之大肆其力

于文愈出而愈無窮以濂同受經於侍講黃先生之門也請為記書於舍壁濂雖稍長於子克視子克之

辭鋒橫厲百未能及一縱汗顏欲記之將何所云邪雖然子克弱冠時濂見其文輒曰子克當以文知名

今始十年而子克名動薦紳間識者遂以濂為知言濂雖不文寧不為子克一言乎嗚呼文豈易言哉日

月照耀風霆流行雲霞卷舒變化不常者天之文也山嶽列峙江河流布草木發越神妙莫測者地之文也

也羣聖人與天地參以天地之文發為人文施之卦爻而陰陽之理顯形之典謨而政事之道行詠之雅

頌而性情之用著筆之春秋而賞罰之義彰序之以禮和之以樂而引導防範之法具雖其為教有不同

凡所以正民極經國制樹彝倫建大義財成天地之化者何莫非一文之所為也自先王之道衰諸子之

文人殊管夷吾氏則以霸畧為文鄧析氏則以兩可辨說為文列禦寇氏則以黃老清淨無為為文墨


翟氏則以貴儉兼愛賢明鬼非命上同為文公孫龍氏欲屈眾說則又以堅白名實為文莊周氏則又以

通天地之統序萬物之性達死生之變為文慎到氏則又以刑名之學為文申不害氏韓非氏宗之又流

為深刻之文鬼谷氏則又以押闔為文蘓秦氏張儀氏學之又肆為縱橫之文孫武氏吳起氏則又以軍

行兵勢圖國料敵為文獨荀况氏龐知先王之學有若非諸子之可及惜乎學未聞道又不足深知羣聖

人之文凡若是者殆不能悉數也文日以多道日以裂世變日以下其故何哉蓋各以私說臆見諱世惑



衆而不知會通之歸所以不能參天地而爲文自是以來若漢之賈誼董仲舒司馬遷楊雄劉向班固隋之王通唐之韓愈柳宗元宋之歐陽修曾鞏蘇軾之流雖以不世出之才善馳騁於諸子之間然亦恨其不能皆純揆之羣聖人之文不無所媿也上下一千餘年唯孟子能闢邪說正人心而文始明孟子之後又惟春陵之周子河南之程子新安之朱子完經翼傳而文益明爾嗚呼文豈易言哉自有生民以來涉世非不遠也歷年非不久也能言之士非不夥且衆也以今觀之焰耀如日月流行如風霆卷舒如雲霞惟羣聖人之文則然列峙如山岳流布如江河發越如草木亦惟羣聖人之文則然而諸子百家之文固無與焉故濂謂立言不能正民極經國制樹藝倫建大義者皆不足謂之文也士無志於古則已有志於古舍羣聖人之文何以法焉斯言也侍講先生嘗言之子克亦嘗聞之濂復取以爲子克告者誠以子克將以文名於世不可不以羣聖人之文爲勉也濂家夫容山之陽距子克之居不二舍而近他日謁子克

於湖山之陰仰觀俯察天地之文退坐書舍中又參之以羣聖人之文則濂與子克當各有所進也子克以濂言爲然乎雖然濂言

鳳林亭 縣南鳳林鄉王氏卽山麓作亭今廢 王

鳥之南鄙故老相傳嘗有鳳皇至因以名其鄉今來山之陽復有小山巍然起於平壤之間卽其地也王氏之先太原人唐末五季之際有諱彥超爲越州節度使者自會稽來居焉是爲始遷之祖厥後子孫日蕃以衍至宋皇祐五年固登進士第仕爲恩陽令義烏有進士實自恩陽始而禱之十世祖宣奉公悅九世祖正議公永年逮七世祖中散公寧朝請公寅復自鳳林遷居縣東之砂溪其分適於他邑而顯者在金華則尚書莊敏公師心丞相文定公淮在浦江則太常忠惠公萬皆同出於鳳林而鳳林王氏之盛號稱衣冠家著聞東南矣若吾族之世居鳳林者雖不表顯以自見而能以詩禮相傳襲守其家業而不隕

義烏系末 卷之十一 古蹟 七

宋之季年嘗卽山之麓作亭焉以爲宗族歲時之所
 會聚卽所謂鳳林亭也歲久而亭廢今族子德生又
 因故址而重作之遵先志也嗚呼王氏之居鳳林鳳
 林之有王氏四百餘年於茲矣林姿谷態藹然如昔
 曾不與時而變遷凡吾族人遠近親疏固有間也而
 追念厥始千百人之身同出於一人之身初曷有親
 疏遠近之間哉登斯亭者觀夫水之有源木之有本
 尊祖敬宗之念孝弟之心其必油然而生矣且吾祖
 宗奕世載德厥維深厚故其澤延於今愈久而愈綿
 所謂德之厚者其流光也我後之人纘承遺休繼迓
 先祚有引而弗替必將圖無愧於前人或以功業而
 名世或以文章而華國出爲邦家之瑞而羽儀于天
 朝豈非所當自致者雖然豈惟吾族人凡鄉人之至
 於斯見夫源之深而流之長也本之茂而末之昌也
 歆艷之意不能自已其不奮起作興思致於光顯而
 求儷美於吾王氏乎詩曰鳳凰于飛翾翾其羽亦集
 爰止藹藹王多吉士惟君子使媚於天子此禱所望
 於吾族人與吾鄉人者也書諸石以爲記用以告來

者

修省齋

二齋竝縣南
三十里俱廢

三畏齋

唐戴叔倫
留詩處

溪上亭

唐貞元中戴叔倫令吳寧過酥溪詩
酥溪亭上草漫漫誰倚東風十二欄燕子

水竹洞天

不歸春事晚一汀風雨杏花寒元正十七年胡璉
築亭溪濱察伋士安題其楹前翰林學士承旨知

制誥兼修國史兼太子贊善大夫金華宋濂記同郡
 胡君伯器世居酥溪之上其地山環水縈林木鬱深
 伯器擇其勝者作亭其間因高爲隄漚流成池旁植
 翠竹數百竿清氣翛翛然襲人登亭四望杳不知塵
 壤之連區僊寰之在邇也乃扁之曰水竹洞天而請
 國子助教鄭濤篆之及余致政歸青蘿山伯器始造

吾廬以記文為屬且曰吾亭有水竹之勝薦紳家以
 洞天名之洞天乃神僊之所棲息夫豈宜哉余謂之
 曰子以神僊誠異於人乎彼亦人耳第能全其形神
 而葆其真熙於是乎始與人殊耳且覆載之內以洞
 天名者凡三十六往往皆有崇山幽谷人跡曠絕之
 所自非勞神苦形則不足以致之今子之居斯亭當
 風日澄煦月色爽朗良宵嘉旦呼酒命席朋遊畢集
 披羽衣御五絃鼓淇澳之章誦寒潭之句更歌迭舞
 揚袂撫掌有不知夕陽之西頽零露之在草也當是
 之時神酣意適雖清都蓬島何以加此而謂之洞天
 奚為而弗宜哉然伯器少失所怙克自奮厲以充裕
 厥家又能延致才士大夫以其享水竹之樂則其賢
 於人也遠矣余方杜門習靜未及來與賓筵之末因
 其請也翹翹然與思遂為古辭五章各道一時之趣
 酒酣耳熱儻擊節而歌之安期羨門之徒庶幾翩然
 而來下乎其辭曰菴竹兮青青晨冰泮兮水氣清日
 杲杲兮在牖翠蕤翹翹兮鳥和鳴 菴竹兮如幄清
 飈興兮動新籟挹微波兮坐嘉蔭神周遊兮澹泊

竹被兮庭中水流兮階下攬明月兮吹參差望美人
 兮延佇 白石兮如雪風泠泠兮相軋歲云暮兮何
 心聊逍遙兮安節 湛清醑兮金樽操鳴絃兮吹篪
 與墳流光去兮如水 為樂兮無諼洪武十年夏六
 月既望 眉山蘓伯衡辨義烏酥溪之上胡君伯器
 之家在焉伯器臨流構亭旁植美竹因名其亭曰水
 竹洞天客或難之曰洞天者真僊之館以燕遊之所
 方之可乎夫古人之名亭尚其人者有之即其地者
 有之以其物者有之寓其意者有之若三十六洞天
 者於亭何有焉伯器以告空同子空同子曰若往應
 之曰以為洞天必在幽遐峻絕之域乎則穗石羊角
 華蓋咸密邇闌闌地之廣袤不過尋丈未嘗凌風雨
 而薄星辰也若以為必真僊之所棲止而後謂洞天
 乎則安期羨門赤松洪崖固嘗混迹庸眾周流濁世
 無乎不在非必專名山以為窟宅也今吾酥溪泉深
 而土沃民皆安於耕鑿俗樸淳而有古風又際時休
 明盜賊屏息物無癘疵而吾之亭據山谿之要會風
 氣之綿密水木之清華禽魚之下上飛泳負焉如在

世外行道之人觸塵埃而冒風日沿溪流而度阡陌
 回望費桷於蒼翠之表將以為何地賢大夫士行李
 東西行過吾門而吾延致亭上與之寓情耳目之樂
 曠思空瑤之外講論繕性禔身之學內王外霸之畧
 其人往往往山澤之癯列僊之儒莫不克乎自足泊乎
 無求浩乎不為物外所奪然則吾終日相與羣居不
 猶真僊之與居乎名以洞天奚為而不可也難者曰
 抑古之人有諸則又應之曰有之宋程公師孟之知
 福州也得閩山嶽崑之際作亭於其處以其山川之
 勝登覽之觀可比於道家所謂蓬萊方丈瀛洲之山
 於是名之曰道山之亭程公之名亭不見非於君子
 則吾亭之名又孰得而非之客不能難伯器乃屬空
 同子次第其語以為名亭辨洪武十年八月二十四
 日金華范幹詩酥溪溪上亭還好水竹清幽勝信
 加萬箇修篁領風月一泓寒玉浸烟霞詎知洞府神
 僊窟便在山林處士家安得攜羽幘載酒爛題詩句
 發英華翰林應奉山陰唐肅詩人間洞天三十六
 誰到酥溪溪上頭湘水有人裁玉濛武陵無地入漁

舟半泓龍起或成雨六月夜來疑是秋更有高樓名
 積翠重重簾箔不須鈎劉涓詩二首山色遙觀翠
 萬重泉聲近聽與琴同洞天水竹殊清絕烟島雲林
 入望中詩債曲情償夜月酒籌花譜領春風主人愛
 客常投轄日日亭心有醉翁洞天水竹綠如雲清流
 玲瓏迥出塵時有達官來下馬近蜀故老已無人舊
 遊猶記青春好重到何堪白髮新玉樹歌殘顛頓甚
 酒邊揮淚一沾巾扶風馬抑詩石上修篁谷口雲
 翠旌玉節下茆君有肯和得鈞天曲不許尋常過客
 聞王初詩亭外清流自激湍繞亭都種碧琅玕玻
 瓈光浸軒窗冷翡翠陰涵枕簟寒稚子得魚時下釣
 道人剪籜巧為冠敲金戛玉風來際彷彿飛僊響佩
 環

遺事

舊志遺事省入各條已當編竣之餘別有覽據仍列

遺事

鷄鳴山

去雲黃而東山曰鷄鳴縣志稱涼月高秋嘗有金鷄鳴其上或曰此二皇所遺丹光形如

金鳳凰庚辛間紹興推官陳公子龍至此○宜附鷄鳴山

古朴嶺

李文忠嘗揭榜義烏古朴嶺平章邵榮引兵五萬出江右右丞徐達引兵五萬出徽州約

會金華剋日抵諸暨○宜附嶺

元設各縣鎮守千戶所七一在烏東四十步

宜附廢署

魏陳頽

宜附縣合

吳褚瑤 字孔珽為烏傷令罷去單船而歸太子庶子

美惟竹箭最貞幸堪歲寒道密令人視其舟惟竹笠

一枚草襪數領而已逐起月為明信中郎宜附宦蹟

漕貢進士 貢士也授登仕郎○宜附選舉

史傳 浙士見漢書十五人烏傷二人唐史七人駱賓

物 附人 寄韋詩 李白見京兆韋參軍量移東陽詩錢起東陽

州諸 弟詩 郡益中詣南山招韋十詩韋莊夏日行寄發

駱賓王 字觀光鳶肩 駱云龍蹲歸而宋樹伐春

宋邵炳 淳安人天聖五年進士自 富陽簿薦知義烏縣不赴

宗忠簡公 遺事三卷前不著名氏錄留守開封事亦

世已久今連帥寶謨王公鎔公之外孫復稍採撫舊

聞以傅翼之 遺事未壻曰余翱而縣中葉氏傳自

睦州來居永寧鄉後宅黃壘山背為中奉大夫秘書

恩國子監學錄社後有泉州參軍卜為公壻子頤為

公孫壻頤弟為廣州提舉願願弟為太常博士顯皆

公外孫 祥符縣治西北有祠春秋致祭湮於河

陳炳 後棄官入瀟 皖山中學道

徐義烏 真西山先生自箴云居貧未若義烏

之安謂徐文清僑也○宜附徐傳

宋徐邦憲 字文子從陳傅良學試禮部第一舉進士

其議論之節 第三歷任寶謨待制致仕諡文肅本傳述

義烏縣志

卷之十六 遺事

三

陳修 家貧為吏常步擔上下恒食乾糲每至

正臘僮仆不起同僚飲食請不冑往

王忠文公 殉節後子紳奉遺像入滇藏之滇祠唐文

敬夫贊武侯像論者謂知武侯心事於乎先生知公

之心矣哉 滇俗六月二十八日家束葦兩樹置於

門遇夜燃之光燭天是日切生肉為膾調以醯蒜不

加烹飪曰粿生稱曰火節謂弔忠臣王禕方公與

俞大有書曰待制公文章不可不傳須與仲縉兄弟

言之勸其刻梓傳世亦美事也此在未刻華川集前

楊慎識漢雜事祕辛云漢雜事一卷得於安寧州

知州董氏前有義烏王子充印蓋子充使雲南昔篋

中書也卷中載恒帝懿獻梁

皇后被選事○宜附王傳

明宣宗賜龔永吉秋水圖并詩 親製於指揮商喜所

附永 今子孫寶藏焉

吉傳 有禮部員外郎吳福縣人

禮記大全纂修

從祀定議 吳陳士三子會議從祀昔首揆洪陽張公

河南道事對曰不聞叔孫武叔毀仲尼乎何議之足

問張公日子浙人護浙人耳一清曰吾夫子魯人也

張不能答議遂定一清由此

謫公嶺右○宜附一清傳

四川通志 萬曆己卯御史義烏虞公與

嵩頭陀 自香山南行至金山江水大溢舟師莫有

載師有傘水上持鐵魚磬截流而濟來山

妙靖鍊師 陳炳從姑徽宗朝賜

號結廬葛倦峰下

元德昂 別號伏菴有詩名且善筆札父母避地石


於兵昂祝髮於義烏廣愛寺復渡錢塘省墓宋濂序

以送之稱其至孝有儒行會修元史昂入京以母死

事告於史氏為立傳歸治母墓守之崩曰白雲先隴

鎮人表為貞母 洪武庚申夏方孝孺書宋學士贈

趙彥殊
詩遺之



文政癸未

[Faint, mostly illegible text in vertical columns, likely bleed-through from the reverse side of the page.]

[The left page of the book is mostly blank or contains extremely faint, illegible text.]

